

श्रीवीतरागाय नमः ।


जैनपदसंग्रह

प्रथमभाग ।

अर्थात्

स्वर्गीय कविवर दौलतरामजीके

१२५ पदोंका संग्रह ।



श्रीयुत पं० पन्नालालजी वाकलीवालाद्वारा सम्पादित

और

नाथूरामप्रेमीद्वारा संशोधित ।

जिसको

श्रीजैनग्रन्थरत्नाकर कार्यालयने

मुम्बईके

निर्णयसागरप्रेसमें वा. रा. घाणेकरके द्वारा

छपाकर प्रसिद्ध किया ।

श्रीवीरनिर्वाण संवत् २४३८ ।

• जून सन् १९१२

चतुर्थवार]

[मूल्य ३ आने ।

Published by Shri Nathuram Premi, Proprietor—Shri
Jain-Grantha-Ratnakar Karyalaya, Hirabag,
Near C P. Tank.—Bombay.



Printed by B. R. Ghanekar at the Nirnaya-sagar Press
No. 23, Kolbhat Lane, Kalbadevi Road, Bombay.

फकिवर दौलतगमजी एत

जैनपदसंग्रह

प्रथम भाग ।

दौलत पदसंग्रहकी वर्णानुक्रमणिका.



पृष्ठांक.	पदसंख्या.	पृष्ठांक	पदसंख्या.
	अ		ग
४१	अपनी सुधि भूल आप, ५८	४७	गुन कहत सीख इमि वार वार ६८
७१	अव मन मेरा वे, १०९		घ
७९	अव मोहि जानि परी ११६	४७	घड़ि घड़ि पल पल छिन० ६९
१७	अरिरज रहस हनन, प्रभु, २१		च
७०	अरे जिया, जग थोलेकी० १०७	१०	चन्द्रानन जिन चन्द्रनाथके ११
२८	अहो नमि जिनपनित नमत० ४२	२७	चलि सखि देखन नाभि० ३८
	आ	५२	चित्त चित्तके चिदेश क्व ७७
२७	आज गिरिराज निहारा ३९	५१	चिदराय गुन मुनो मुनो ७६
२८	आज मैं परमपदारथ पायाँ ४०	४८	चिन्मूरत दगवारी की मोहि ७०
४२	आतम रूप अनूपम अद्भुत ६१	५०	चेतन अव धरि सहज स० ७४
४३	आप भ्रम विनाश आप आप० ६२	४९	चेतन कौन अनीति गही रे ७२
४२	आपा नहिं जाना तूले .. ६०	४९	चेतन तै यौं ही भ्रम टान्यो ७३
	उ	४८	चेतन यह बुधि कौन स० ७१
१५	उरग-सुरग-नरईश शीस १७		छ
	ऐ	५५	छाडत क्यों नहिं रे ... ८२
३६	ऐसा मोही क्यों न अयोगति ५२	३५	छाडि दे या बुधि भोरी ५०
३७	ऐसा योगी क्यों न अभय पद५३		ज
	औ	८	जगदानदन जिन अभिनन्दन ९
४५	और अवै न कुदेव सुहावै ६५	७	जबतै आनंद-जननि दृष्टि परी०७
४४	और सवै जग द्वन्द मिटावो ६४	५४	जम आन अचानक दावैगा ८१
	क	११	जय जिन वासुपुज्य शिव० १२
४५	कवचों मिलैं मोहि श्रीगुरु मु० ६६	१४	जय शिव-कामिनि कंत वीर १५
१२	कुथुनके प्रतिपाल कुंथु जग १३	१४	जय श्रीवीर जिनेन्द्रचन्द्र १६
४६	कुमति कुनारि नहीं है मली रे ६७	७१	जयवीर जिनवीर जिनवीर १०८

पृष्ठाक.	पदसंख्या.	पृष्ठाक.	पदसंख्या.
		न	
७९	जय जय जग-भरम तिमर ११५	६४	न मानत यह जिय निपट ९७
८१	जय श्रीऋषभ जिनेन्द्रा ११९	५९	निज हित कारज करना ९०
८६	जाऊं कहा तज शरन तिहारे १२५	८४	नित पीज्यो धी धारी १२३
६७	जानत क्यों नहिं रे हे नर० १०२	५९	निपट अयाना तैं आपा न० ८९
४	जिनवर आनन भान निहारत ३	६	निरखत जिन चन्द्र वदन ६
२६	जिन छवि तेरी यह . ३७	२२	निरख सुख पायौ, जिन मु० ३१
५१	जिन राग दोष त्यागा ७५	२३	निरख सखि ऋषभ को ३२
५३	जिन छवि लखत यह बुधि ७८	७८	निरखत जिन चंद री मा० ११३
५३	जिन बँन सुनत मोरी भूल ७९	२८	नेमी प्रभुकी श्याम वरण ४१
५४	जिनवानी जान सुजान रे ८०		
७९	जिया तुम चालो अपने ११४	प	
४२	जीव, तू अनादि हीतैं भूल्यौ ५९	९	पद्मासन्न पद्मपद पद्मा १०
	त	५	पारस जिन चरण निरख ४
७०	तुम सुनियो श्रीजिन नाथ १०६	१२	पास अनादि अविद्या मेरी १४
५६	तू कोहे को करत रति तनमें ८४	२२	प्यारी लागै म्हाने जिन छवि ३०
६३	तोहि समझायो सौ सौ वार ९६	२९	प्रभु मोरी ऐसी बुधि कीजिये ४३
२५	त्रिभुवन आनंदकारी जि० ३६	६९	प्रभु थारी आज महिमा जा० १०५
	थ	व	
२५	थारातौ वैनौ में सरधान ३५	५	वन्दों अदभुत चन्द्र वीर जिन ५
	द	८०	वामा घर वजत वधार्ई ११८
२४	दीठा भागनतैं जिन पा० ३४	३०	वारी हो वधार्ई या शुभ सा० ४४
३	देखोजी आदीश्वर स्वामी २	४४	विषयौदा मद भानै ... ६३
	ध	७३	वृषभादि जिनेश्वर ध्याऊं, ११०
५७	धन धन साधर्माजन मिलन ८५	भ	
५७	धनि मुनि जिनकी लगी लो ८६	७	भज ऋषिपति ऋषभेश ता० ८
५८	धनि मुनि जिन यह ... ८७	१६	भविन-सरोरहसूर भूरिगुन १८
५८	धनि मुनि निज आतम हि० ८८	३५	भाखूं हित तेरो सुनि हो म० ५१
४	ध्यान कृपान पानि गहि० ३३		

पृष्ठांक. पदसंख्या.

म

८३ मत रात्रो बीवारी ...	१२२
८१ मत कीर्त्या जी यारी	१२०
८५ मत कीर्त्या जी यारी	१२४
६० मन बच तन करि शुद्ध मली०९१	
३४ मान ले या सिख मोरी	४९
६६ मानत क्यो नहि रे हे नर०	१०१
६१ मेरे क्व हूँ वा दिनकी सु०	९३
२० मेरी सुष लजै श्रुपमखाम	२६
७७ मेरो मन ऐसी खेलत होरी	११२
२१ मैं आयो, जिन शरण	२८
२२ मैं हरख्यो निरख्यो सुख ते०	२९
२० मोहि तारो जी क्यो ना	२७
४० मोही जीव भरनतमते नहि	५६
६१ मोहिदा रे, जिय हितकारी०	९२

र

५६ रात्रि रह्यो पर नाहि तू०	८३
-----------------------------	----

ल

३८ लखो जी या जिय मोरेकी०	५४
६२ लाल कैसे जावोगे, असरन०	९४

श

१९ शानतियाके नाम जपेते	२४
१९ शिव मग दरसावन०	२५
शिवपुरकी डगर समर०	९५

पृष्ठांक.

पदसंख्या

स

१ सकल जेय ज्ञायक तदधि	१
१७ सब देखो मिल हेली न्हारी०२०	
३९ सुनो जिभा ये सत गुनकी०	५५
८० सुन जिन वैन भवन सु०	११७
८२ सुवि लीज्यो जी न्हारी	१२१

ह

६८ हम तो क्वहूँ न हित ट०	९८
६५ हम तो क्वहूँ न निज गु०	९९
६६ हम तो क्वहूँ न निज घर०१००	
१६ हमारी वीर हरो भव पीर	१९
१८ हे जिन तेरे मैं शरणे आ०	२२
१८ हे जिन मेरी ऐसी बुव कीजे	२३
३२ हे जिन, तेरो सुनस ट०	४५
३२ हे मन तेरी को कुटेव यह	४६
६८ हे हित वाळक प्रानीर	१०३
६८ हे नर त्रननीद क्यो न	१०४
३३ हो तुम शठ अविचारी जि०	४७
३४ हो तुम त्रिसुवनतारी हो०	४८

ज्ञ

४० ज्ञानो जीव निवार भर०	५७
७७ ज्ञानी ऐसी होली मचाई	१११

श्रीवीतरागाय नमः

जैनपदसंग्रह ।



१.

मंगलाचरण स्तुति ।

द्रोहा ।

सकल ज्ञेय ज्ञायक तदपि, निजानंदरसलीन ।
सो जिनेन्द्र जयवंत नित, अरिजरहसविहीन ॥ १ ॥

पद्धरिछन्द ।

जय वीतराग विज्ञानपूर । जय मोहतिमिरको हरन
सूर ॥ जय ज्ञान अनंतानंत धार । दृगसुख-वीरज-मं-
डित अपार ॥ २ ॥ जय परम-शांतिमुद्रा-समेत । भवि-
जनको निज-अनुभूति-हेत ॥ भवि-भागन-वश जोगेव-
शाय । तुम धुनि है सुनि विभ्रम नसाय ॥ ३ ॥ तुम
गुन चिंतत निजपर-विवेक । प्रगटै, विघटै आपद अनेक ॥
तुम जगभूपन दूपनवियुक्त । सब महिमायुक्त विकल्प-
सुक्त ॥४॥ अविरुद्ध शुद्ध चेतनस्वरूप । परमात्म परम-

१ चार घातिया कर्मोंमें रहित । २ अनन्तदर्शन, अनन्तसुख, अनन्तवीर्य ।
३ भव्यजनोके भाग्यसे । ४ मनवचनकायके योगोंके कारण ।

पावन अनूप ॥ शुभ-अशुभ-विभाव अभाव कीन ।
 स्वाभाविकपरनतिमय अछीन ॥५॥ अष्टादशदोषविमुक्त
 धीर । सुचतुष्टयमय राजत गभीर ॥ मुनि गनधरादि
 सेवत महंत । नव-केवललब्धिरमा धरंत ॥ ६ ॥ तुम
 शासन सेय अमेय जीव । शिव गये जाहिं जै हैं स-
 दीव ॥ भवसागरमें दुख खार-वारि । तारनको और न
 आप टारि ॥७॥ यह लखि निजदुखगदहरनकाज ।
 तुम ही निमित्तकारन इलाज ॥ जाने, तातैं मैं शरन
 आय । उचरों निजदुख जो चिर लहाय ॥८॥ मैं भ्रम्यो
 अपनपो विसरि आप । अपनाये-विधिफल पुण्य पाप ॥
 निजको परको करता पिछान । परमें अनिष्टता इष्ट
 ठान ॥ ९ ॥ आकुलित भयो अज्ञान धारि । ज्यों मृग
 मृगतृष्णा जान वारि ॥ तन-परनतिमें आपौ चितार ॥
 कवहूं न अनुभयो स्वपद सार ॥ १० ॥ तुमको विन
 जाने, जो कलेश । पाये सो तुम जानत जिनेश ॥ प-
 शु-नारक-नर-सुरगतिमझार । भव धर धर मरयो अनंत
 वार ॥ ११ ॥ अब काललब्धिवलतैं दयाल । तुम द-
 र्शन पाय भयो खुशाल ॥ मन शांत भयो मिट सकल-
 द्वंद । चाख्यो स्वातमरसे दुखनिकंद ॥ १२ ॥ तातैं
 अब ऐसी करहु नाथ । विछुरै न कभी तुव चरन-

साथ ॥ तुम गुन-गनको नहिं छेवँ देव । जगतारनको
 तुव विरद एव ॥ १३ ॥ आतमके अहित विषय-क-
 पाय । इनमें मेरी परनति न जाय ॥ मैं रहों आपमें आप
 लीन । सो करो होंहुं ज्यों निजाधीन ॥ १४ ॥ मेरे न
 चाह कछु और ईश । रत्नत्रयनिधि दीजे मुनीग ॥ मुझ
 कारजके कारन सु आप । शिवं करहु हरहु मम मोह-
 ताप ॥ १५ ॥ शशि शांतिकरन तपहरन-हेत । स्वय-
 मेव तथा तुम कुशल देत ॥ पीवत पियूप ज्यों रोग
 जाय । त्यों तुम अनुभवतैं भव नसाय ॥ १६ ॥ त्रिमु-
 वन तिहुँकालमझार कोय । नहिं तुम विन निजसुख-
 दाय होय ॥ मो उर यह निश्चय भयो आज । दुखज-
 लधिउतारन तुम जहाज ॥ १७ ॥

दोहा ।

तुम गुन-गन-मनि गनपँती, गनत न पावहिं पार ।
 दौल स्वल्पमति किमि कहै, नमों त्रियोग सँभार ॥ १८ ॥

२.

देखो जी आदीश्वर स्वामी, कैसा ध्यान लगाया
 है । कर ऊपरकर सुभग विराजे, आसन थिर ठहराया
 है ॥ देखो जी० ॥ टेक ॥ जगतविभूति भूतिसम तज-

कर, निजानंद-पद ध्याया है । सुरभित्त-श्वासा, आंशा-
वासा नासादृष्टि सुहाया है ॥ देखो जी० ॥ १ ॥ कं-
चन वरन चलै मन रंच न, सुरगिर ज्यों थिर थाया है ।
जास पास अहि मोर मृगी हँरि, जातिविरोध नसाया
है ॥ देखो जी० ॥ २ ॥ शुधउपयोग हुताशनमें जिन,
वसुविधि समिधें जलाया है । श्यामलि अलिकावलि
शिर सोहै, मानों धुआँ उड़ाया है ॥ देखो जी० ॥ ३ ॥
जीवन मरन अलाभ लाभ जिन, तृन मनिको सम
भाया है । सुर नरनाग नमहिँ पद जाके, दौल तास
जस गाया है ॥ देखो० जी ॥ ४ ॥

३.

जिनवर-आनन-भान निहारत, भ्रमतमघान नसाया
है ॥ जिन० ॥ टेक ॥ वचन-किरन-प्रसरनतैं भविजन,
मनसरोज सरसाया है । भवदुखकारन सुखविसतारन,
कुपथ सुपथ दरसाया है ॥ जिन० ॥ १ ॥ विनसाई,
कर्ज जलसरसाई, निशिचर समरँ दुराया है । तस्करँ
प्रवल कषाय पलाये, जिन धन बोध चुराया है ॥
जिन० ॥ २ ॥ लखियत उहुँ न कुभाव कहूँ अब, मोह

१ सुगंधित । २ दिशारूपी वन्न=दिगम्बरता । ३ सुमेरु । ४ सिंह । ५ होम
—जेकी लकड़ियाँ । ६ काई, दूसरे पक्षमें—अज्ञानरूपी काई । ७ स्वर=कामदेव ।
चोर । ९ तारे ।

उलूक लजाया है । 'हंस कौकको शोक नश्यो निज,—
परनतिचकवी पाया है ॥ जिन० ॥ ३ ॥ कर्मबंधक-
जकोप वँधे चिर, भवि-अलि मुंचन पाया है । दौल
उजास निजातम अनुभव, उर जग अंतर छाया है ॥
जिन० ॥ ४ ॥

४.

पारस जिन चरन निरख, हरख यों लहायो, चित-
वत चंदा चकोर ज्यों प्रमोद पायो ॥ टेक ॥ ज्यों सुन
घनघोर शोर, मोरहर्षको न ओरें, रंक निधिसमाज राज
पाय मुदित थायो ॥ पारस० ॥ १ ॥ ज्यों जन चिर-
छुंधित होय, भोजन लखि सुखित होय, भेषज गद-
हरन पाय, सरुँज सुहरखायो ॥ पारस० ॥ २ ॥ वासर
भयो घन्य आज, दुरित दूर परे भाज, शांतदशा देख
महा, मोहतम पलायो ॥ पारस० ॥ ३ ॥ जाके गुन
जानन जिम, भानन भवकानन इम, जान दौल शरन
आय, शिवसुख ललचायो ॥ पारस० ॥ ४ ॥

५.

वंदों अदभुत चन्द्र वीर जिन, भवि-चकोरचितहारी
॥ वंदों० ॥ टेक ॥ सिद्धारथनृपकुलनभ-मंडन, खंडन

१ आत्मा । २ चक्रवा । ३ कर्मबंधरूपीकमलके कोष वँधे हुए थे उनसे ।
४ छोर । ५ बहुतकालका भूखा । ६ दषाई । ७ रोगी । ८ वर्द्धमान भगवान् ।

भ्रमत्तम भारी । परमानंद-जलधिविस्मित-श्वासा, आंशा-
 लयकारी ॥ वंदों० ॥ १ ॥ उदित निरंती० ॥ १ ॥ कं-
 तर, कीरति किरन पसारी । दोष-मलंक-कथिर धाया है ।
 मोहराहु निरवारी ॥ वंदों० ॥ २ ॥ कर्मावरण नसाया
 अरोधित, बोधित शिवमगचारी । गनधरादि मुँ जिन,
 डुगन सेवत, नित पूनमतिधि धारी ॥ वंदों० ॥ ३ ॥
 अखिल-अलोकाकाश-उलंघन, जासु ज्ञानउजियारी ।
 दौलत मनसा-कुमुदनि-मोदन, जयो चरम-जगतारी ॥
 वंदों० ॥ ४ ॥

६.

निरखत जिनचंद्र-वदन, स्वपरसुरुचि आई । निर-
 खत० ॥ टेक ॥ प्रगटी निज आनकी, पिछान ज्ञान
 भानकी, कला उदोत होत काम, जामनी पलाई ।
 निरखत० ॥ १ ॥ सास्वत आनंद स्वाद, पायो विनस्यो
 विपाद, आनमें अनिष्ट इष्ट, कल्पना नसाई । निरखत०
 ॥ २ ॥ साधी निज साधकी, समाधि मोहव्याधिकी,
 उपाधिको विराधिकै, अराधना सुहाई । निरखत० ॥ ३ ॥
 धन दिन छिन आज सुगुनि, चिंते जिनराज अवै, सुधरे
 सब काज दौल, अचल सिद्धि पाई । निरखत० ॥ ४ ॥

१ दोषा-रात्रि । २ पापरूपी कलंक । ३ कर्मावरणरूपी बादलोंसे जो ढकता
 नहीं है । ४ तारागण । ५ मनरूपी कुमोदनीको हर्षित करनेवाला । ६ अन्तिम
 तीर्थंकर । ७ रात्रि ।

७.

जवतँ आनंद-जननि दृष्टि परी भाई । तवतँ संशय
विमोह भरमता विलाई । जवतँ० ॥ टेक ॥ मैं हूं चि-
तचिह्न, भिन्न परतँ, पर जड़स्वरूप, दोउनकी एकता
सु, जानी दुखदाई । जवतँ० ॥ १ ॥ रागादिक बंधहेत,
बंधन बहु विपति देत, संवर हित जान तासु, हेतु
ज्ञानताई । जवतँ० ॥ २ ॥ सब सुखमय शिव है तसु,
कारन विधिझारन इमि, तत्त्वकी विचारन जिन,-वानि
सुधि कराई । जवतँ० ॥ ३ ॥ विषयचाहज्वालतँ, द-
ह्यो अनंतकालतँ सु,-धांवुंस्यात्पदांकगाह,-तँ प्रशांति
आई । जवतँ० ॥ ४ ॥ याचिन जगजालमें न, शरन
तीनकालमें सँ,-भाल चित भजो सदीव, दौल यह सु-
हाई । जवतँ० ॥ ५ ॥

८.

भज ऋषिपति ऋषेभेश ताहि नित, नमत अमर
असुरा । मनमथ-मथ दरसावन शिवपथ, वृष-रथ-चक्र-
धुरा ॥ भज० ॥ टेक ॥ जा प्रभु गर्भछमासपूर्व सुर,
करी सुवर्ण धरा । जन्मत सुरगिर-धर सुरगनयुत, हंरि
पय न्हवन करा ॥ भज० ॥ १ ॥ नटत नर्त्तकी विलय

१ निर्जरा । २ स्याद्वादरूपी अमृतमें अवगाहन करनेसे । ३ मुनिनाथ । ४
धर्मके ईश आदिनाथ भगवान् । ५ कामदेवके मथनेवाले । ६ मोक्षपथ । ७
इन्द्र । ८ अप्सरा ।

देख प्रभु, लहि विराग सु धिरा । तबहिं देवर्कषि
 आय नाय शिर, जिनपद पुष्प धरा ॥ भज० ॥ २ ॥
 केवलसमय जास वैच रविने, जगभ्रम-तिमिर हरा ।
 सुद्वगबोधचारित्रपोतं लहि, भवि भवसिंधुतरा ॥ भज०
 ॥३॥ योगसँहार निवार शेषविधि, निवसे वसुम धरा ।
 दौलत जे याको जस गावैं, ते हँ अज अमरा ॥ भज० ॥४॥

९.

जगदानंदन जिन अभिनंदन, पदअरविंद नमूं मैं
 तेरे । जग० ॥ टेक ॥ अरुनवरन अघतापहरन वर,
 वितरन कुशल सु शरन वड़ेरे । पद्मासँदन मदन-मद-
 भंजन, रंजन मुनिजनमनअलिकेरे ॥ जग० ॥ १ ॥ ये
 गुन सुन मैं शरनै आयो, मोहि मोह दुख देत घनेरे ।
 ता मदभानँन खपरपिछानन, तुमविन आन न कारन
 हेरे ॥ जग० ॥ २ ॥ तुम पदशरन गही जिननें ते,
 जामन-जरा-मरन-निरवेरे । तुमतैं विमुख भये शठ
 तिनको, चहुँगति विपतमहाविधि पेरे ॥ जग० ॥ ३ ॥
 तुमरे अमित सुगुनज्ञानादिक, सतत मुदित गनराज
 उगेरे । लहत न मित मैं पतितं कहों किम, किन श-
 शकँन गिरिराज उखेरे ॥ जग० ॥ ४ ॥ तुम विनराग-

१ लौकातिकदेव । २ वचनरूपी सूर्यने । ३ जहाज । ४ शेषके चार-
 अघातिकर्म । ५ आठवीं पृथिवी अर्थात् मोक्ष । ६ लक्ष्मीके घर । ७ मदका
 नाश करनेके लिये । ८ गाये । ९ पापी । १० स्वर्गोशौने ।

दोष दर्पन ज्यों, निज निज भाव फलें तिनकेरे । तुम
हो सहज जगत उपकारी, शिवपथ-सारथवाह भलेरे ॥
जग० ॥ ५ ॥ तुम दयाल बेहाल बहुत हम, काल-क-
राल-व्याल-चिर-धेरे । भाल नाय गुणमाल जपों तुम,
हे दयाल, दुखटाल सँवेरे ॥ जग० ॥ ६ ॥ तुम बहु
पतित सुपावन कीनें, क्यों न हरो भवसंकट मेरे । भ्र-
म-उपाधि-हर शंभसमाधिकर, दौल भये तुमरे अब
चेरे ॥ जग० ॥ ७ ॥

१०.

पद्माँसन्न पद्मपद पद्मा, -मुक्तिसन्न दरशावन है । क-
लि-मल-गंजन मन-अलिरंजन, मुनिजन शरन सुपावन
है ॥ पद्मा० ॥ टेक ॥ जाकी जन्मपुरी कुशंविका, मुर
नर-नाग-रमावन है । जास जन्मदिनपूर्व पटनव, -मास
रतन वरसावन है ॥ पद्मा० ॥ १ ॥ जा तपथान र्पपोसा-
गिरि सो, आत्मज्ञान थिर-थावन है । केवलजोतउदोत
भई सो, मिथ्यातिमिर-नशावन है ॥ पद्मा० ॥ २ ॥
जाको शासन पंचाननसो, कुमति-मंतंग-नशावन है ।
राग विना सेवकजनतारक, पै तसु रूपतुप भाव न

१ शीघ्र । २ शान्तिसमाधि । ३ समवसरण लक्ष्मीके घर । ४ पद्मप्रभके
चरण । ५ पद्मानुक्ति=मोक्षलक्ष्मी । ६ र्पपोसा नामका पर्वत है । ७ उपदेश ।
८ सिंह । ९ हाथी । रोप, तोप=द्वेष, राग ।

है ॥ पद्मा० ॥ ३ ॥ जाकी महिमाके वरननसों, सुर-
गुरुबुद्धि थकावन है । दौल अल्पमतिको कहवो जिमि,
शशंकगिरिंद धकावन है ॥ पद्मा० ॥ ४ ॥

११.

चन्द्रानन जिन चन्द्रनाथके, चरन चतुर-चित ध्या-
वतु हैं । कर्म-चक्र-चकचूर चिदात्म, चिनमूरतपद
पावतु हैं ॥ चन्द्रा० ॥ टेक ॥

हाँहा-हूहू-नारद-तुंवर, जासु अमल जस गावतु हैं ।
पद्मा सची शिवा श्यामादिक, करधर वीन वजावतु
हैं ॥ चन्द्रा० ॥ १ ॥ विन इच्छा उपदेशमाहिं हित,
अहित जगत दरसावतु हैं । जा पदतट सुरनरमुनिघट
चिर, विकटविमोह नशावतु हैं ॥ चन्द्रा० ॥ २ ॥ जाकी
चन्द्रवरन तनदुतिसों, कोटिक सूर छिपावतु हैं । आत-
मजोतउदोतमाहिं सब, ज्ञैय अनंत दिपावतु हैं ॥
चन्द्रा० ॥ ३ ॥ नित्य-उदय अकलंक अछीन सु, मुनि-
उडुँ-चित्त रमावतु हैं । जाकी ज्ञानचन्द्रिका लोका,-लो-
कमाहिं न समावतु हैं ॥ चन्द्रा० ॥ ४ ॥ साम्यसिन्धु-
वर्द्धन जगनंदन,-को शिर हरिगन नावतु हैं । संशय

१ इन्द्रकी बुद्धि । २ जैसे खर्गोश सुमेरुको धकेलना चाहे । ३ हाहा, हूहू,
नारद और तुंवर ये गंधर्व देवोंके भेद हैं । ४ देव मनुष्यों और मुनियोंके
हृदयका । ५ सूर्य । ६ पदार्थ । ७ तारा । ८ समतारूपी समुद्रको बढ़ानेवाला ।
९ जगको आनंदित करनेवाला ।

विन्नम मोह दौलके, हर जो जगभरमावतु है ॥
चन्द्रा० ॥ ५ ॥

१२.

जय जिन वासुपुज्य शिव-रमनी-रमन भदन-दनु-
दारन हैं । बालकाल संजम सँभाल रिपु, मोहव्यालव-
लमारन हैं ॥ जय जिन० ॥ १ ॥ जाके पंचकल्यान
भये चंपापुरमें सुखकारन हैं । वासववृंद अमंद मोद
घर, किये भवोदधितारन हैं ॥ जय जिन० ॥ २ ॥
जाके वैनसुधा त्रिभुवनजन, -को भ्रमरोगविदारन हैं ।
जा गुनचिंतन अमलअनल मृत, -जनम-जरा-वन-जारन
हैं ॥ जय० ॥ ३ ॥ जाकी अरुन गांतिछवि-रविभा,
दिवसप्रबोधप्रसारन हैं । जाके चरनशरन सुरतरु वां-
छित शिवफल विस्तारन हैं ॥ जय० ॥ ४ ॥ जाको
शासन सेवत मुनि जे, चारज्ञानके धारन हैं । इन्द्र-फ-
र्णाद्र-मुकुटमणि-दुतिजल, जापद कलिल पखारन हैं ॥
जय० ॥ ५ ॥ जाकी सेव अछेवरमाकर, चहुंगतिविपति
उधारन हैं । जा अनुभवघनसार सु आकुल, तापकलाप-
निवारन हैं ॥ जय० ॥ ६ ॥ द्वादशमों जिनचन्द्र जास

१ कामदेवरूपी राक्षसको मारनेवाले । २ मोहरूपी साप । ३ इन्द्रोके समू-
ह । ४ कल्पवृक्ष । ५ पाप । ६ अक्षयलक्ष्मी (मोक्ष) की करनेवाली । ७ अनु-
भवरूपी मलयगिर चंदन । ८ आकुलताके तापका समूह ।

वर, जस उजासको पार न हैं । भक्तिभारतैं नमें दौल-
के, चिर-विभाव-दुख टारन हैं ॥ जय० ॥ ७ ॥

१३.

कुंथुनके प्रतिपाल कुंथु जग, -तार सारगुनधारक हैं ।
वर्जितग्रंथ कुपंथवितर्जित, अर्जितपंथ अमारक हैं ॥ कुंथु-
नके० ॥ टेक ॥ जाकी समवसरनवहिरंग, -रमा गर्नेधार
अपार कहैं । सम्यग्दर्शन-बोध-चरण-अध्यात्म-रमा-भर-
भारकहैं ॥ कुंथु० ॥ १ ॥ दशधा-धर्म-पोतेकर भव्यन, -को
भवसागर तारक हैं । वरसमाधि-वन-घन विभावरज, पुं-
जनिकुंजनिवारक हैं ॥ कुंथु० ॥ २ ॥ जासु ज्ञाननभमें
अलोकजुत-लोक यथा इक तारक हैं । जासु ध्यानह-
स्तावलम्ब दुख-कूपविरूप-उधारक हैं ॥ कुंथु० ॥ ३ ॥
तज छखंडकमला प्रभु अमला, तपकमला आगारक हैं ।
द्वादशसभा-सरोजसूर भ्रम, तरुअंकूरउपारक हैं ॥ ॥
कुंथुनके० ॥ ४ ॥ गुणअनंत कहिलहत अंत को ? सु-
रगुरुसे बुध हार कहैं । नमें दौल हे कृपाकंद, भवइंद
टार बहुवार कहैं ॥ कुंथुन० ॥ ५ ॥

१४.

पाँस अनादिअविद्या मेरी, हरन पाँस-परमेशा है ।

१ छोटे २ जीवोंके भी । २ परिग्रहरहित । ३ अहिंसक पथके अर्जन कर-
नेवाले । ४ गणवर देव । ५ दशलक्षणधर्मरूपी जहाज करके । ६ छहखंडकी
लक्ष्मी । ७ अनादि अविद्या रूपी फासी । ८ पादर्वनाथ भगवान् ।

चिद्विलास सुखराशप्रकाशवितरन त्रिभोन-दिनेशा है ॥
 टेक ॥ दुर्निवार कंदर्पसर्पको दर्पविदरन खगेगाँ है । दुँठ
 शठ-कमठ-उपद्रव-प्रलयसमीर-सुवर्णनगेशा है ॥ पास०
 ॥ १ ॥ ज्ञान अनंत अनंत दर्श बल, सुख अनंत पैदमे-
 गा है । स्वानुभूति-रमनी-वर भंवि-भव-गिर-पवि शिर्व-
 सदमेशा है ॥ पास० ॥ २ ॥ ऋषि मुनि यति अनगार
 सदा तिस, सेवत पादकुंगेसा है । वदनचंद्रतैं झुरै गि-
 रामंत, नाशन जन्म-कलेशा है ॥ पास० ॥ ३ ॥ नाम-
 मंत्र जे जपैं भव्य तिन, अघबहि नशत अगेपाँ है ।
 सुर अहमिन्द्र खगेन्द्र चन्द्र है, अनुक्रम होंहि जिनेशा
 है ॥ पास० ॥ ४ ॥ लोक-अलोक-ज्ञेय-ज्ञायक पै, रत
 निजभावचिदेशा है । रागविना सेवकजन-तारक, मारि-
 क मोह न द्वेषा है ॥ पास० ॥ ५ ॥ भद्रसमुद्र-विवर्द्धन
 अद्भुत-पूरनचन्द्र सुवेगा है । दौल नमै पद तासु, जासु,
 शिवयल समेदअचलेशाँ है ॥ पास० ॥ ६ ॥

१ तीन लोकके सूर्य । २ कामदेव तर्पा सर्पको । ३ गरुड़पक्षी । ४ दुष्ट,
 शठ, ऐसे कमठके उपद्रवरूपी प्रलयकालकी आधीको सहन करनेवाले नेरुपर्वत
 हो । ५ लक्ष्मीके ईश । ६ त्रानुभवरूपी स्त्रीके दूल्हा । ७ मन्व्योंके सत्तार
 रूपी पर्वतके नष्ट करनेको वज्रके समान । ८ मोक्ष महलके मालिक । ९ चरण-
 कमल । १० वचनरूपी अष्ट । ११ सब । १२ नोहके मारनेवाले ।
 १३ सम्मोदगिखर ।

१५.

जय शिव-कामिनि-कंत वीर भंगवंत अनंतसुखाकर
 हैं । विधि-गिरि-गंजन बुधमनरंजन, भ्रमतमभंजन
 भौकर हैं ॥ जय० ॥ टेक ॥ जिनउपदेश्यो दुँविधधर्म
 जो, सो सुरसिद्धरमाकर हैं । भवि-उर-कुमुदनि-मोदन
 भवतप, हरन अनूप निर्शाकर हैं ॥ जय० ॥ १ ॥ पर-
 मविरागि रहैं जगतें पै, जगतजंतुरक्षाकर हैं । इन्द्र फ-
 णीन्द्र खगेन्द्र चन्द्र जग,-ठाकर ताके चाकर हैं ॥ जय०
 ॥ २ ॥ जासु अनंत सुगुनमणिगन नित गनत गनीगन
 थाक रहैं । जा प्रभुपद नवकेवलिलब्धि सु, कमलाको
 कमलाकर हैं ॥ जय० ॥ ३ ॥ जाके ध्यान-कृपान रा-
 गरुष,-पासहरन समताकर हैं । दौल नमै कर जोर हरन
 भव, बाधा शिवराधाकर हैं ॥ जय० ॥ ४ ॥

१६.

जय श्रीवीर जिनेन्द्रचन्द्र, शतइन्द्रवंद्य जगतारं ।
 जय० ॥ टेक ॥ सिद्धारथकुल-कमल-अमल-रवि, भवभू-
 धरपविभारं । गुनमनिकोष अदोष मोषपति, विपिन
 कंषायतुषारं ॥ जय० ॥ १ ॥ मदनकदन शिवसदन

१ वर्द्धमान भगवान् । २ कर्मरूपीपर्वतके नष्ट करनेवाले । ३ सूर्य । ४ दो प्रकारका धर्म गृहस्थ और मुनिका । ५ स्वर्ग और मोक्ष लक्ष्मीका करनेवाला हैं । ६ चन्द्रमा । ७ ध्यानरूपी तरवारसे रागद्वेषकी फासीको काटनेवाला । ८ संसाररूपी पर्वतको बड़े भारी वज्रके समान । ९ कषायरूपी वनको तुषार ।

पद-नमित, नित अनमित यतिसारं । रमाँअनंतकंत
अंतकै-कृत,-अंत जंतुहितकारं ॥ जय० ॥२॥ फंदे-चंद-
नाकंदन दाँदुरदुरित 'तुरित निर्वारं । रुद्ररचित अतिरुद्र
उपद्रव,-पवन अद्रिपति सारं ॥ जय० ॥३॥ अंतर्तीत
अचित्य सुगुन तुम, कहत लहत को पारं । हे जंगमौल
दौल तेरे क्रर्म, नमै शीस कर धारं ॥ जय० ॥ ४ ॥

१७.

उरग-सुरग-नरईश शीस जिस,आतंपत्र त्रिंधरे । कुंदकुँ-
सुमसम चमर अमरगन, ढारत मोदभरे ॥ उरग० ॥
टेक ॥ तरुअशोक जाको अवलोकत, शोकथोक उजरे ।
पारजातसंतानकादिके, वरसत सुमन वरे ॥ उरग०
॥ १ ॥ सुमणिविचित्र-पीठअंबुजपर, राजत जिन सु-
थिरे । वैर्णविगत जाकी धुनिको सुनि, भवि भवसिंधु-
तरे ॥ उरग० ॥ २ ॥ साढ़े वारह कोड़ जातिके, वा-
जत तूर्य खरे । भामंडलकी दुतिअखंडने, रविशशि मंद
करे । उरग० ॥ ३ ॥ ज्ञान अनंत अनंत दर्श बल, शर्म
अनंत भरे । करुणामृतपूरित पद जाके, दौलत हृदय
धरे ॥ उरग० ॥ ४ ॥

१ अनंत मोक्षलक्ष्मीके पति । २ यमराजका भी क्रिया है अन्त जिन्होंने
ऐसे । ३ चंदनासर्तीके फद काटनेवाले । ४ समवशरणमें पुष्प लेकर जानेवाले
मंडकके पाप । ५ स्त्रनामक दैत्यके किये हुए । ६ अनंत । ७ जगन्मुकुट ।
८ चरण । ९ छत्र । १० तीन धरे । ११ कुंदके फूल । १२ अनक्षरी । १३ बाजे ।

१८.

भविन—सरोरुहसूर भूरिगुनपूरित अरहंता । दूरितदोष
 मोष पथघोषक, करन कर्मअन्ता ॥ भविन० ॥ टेक ॥
 दर्शबोधतै युगपतलखि जाने जु भावऽनंता । विगतां-
 कुल जुतसुख अनंत विन, अंत शक्तिवंता ॥ भविन०
 ॥१॥ जा तनजोतउदोतथकी रवि, शशिदुति लाजंता ।
 तेजथोक अवलोक लगत है, फोक संचीकंता ॥ भवि-
 न० ॥ २ ॥ जास अनूप रूपको निरखत, हरखत हैं
 संता । जाकी धुनि सुनि मुनि निर्जगुन-मुन, परं-गर
 उगलंता ॥ भविन० ॥ ३ ॥ दौल तौलविन जस तस
 वरनत, सुरगुरु अकुलंता । नामाक्षर सुन कान खानसे,
 राँक नाँकगंता ॥ भविन० ॥ ४ ॥

१९.

हमारी वीर हरो भवपीर । हमारी० टेक ॥ मैं दु-
 ख-तपित दयामृतसर तुम, लखि आयो तुम तीर । तुम
 परमेश मोखमगदर्शक, मोहदवानलनीर ॥ हमारी०
 ॥१॥ तुम विनहेत जगतउपकारी, शुद्ध चिदानंद धीर ।
 गनपतिज्ञानसमुद्र न लंघै, तुम गुनसिंधु गहीर ॥ ह-
 मारी० ॥ २ ॥ याद नहीं मैं विपति सही जो, धर धर

१ भव्यरूपीकमल्लोकी सूर्य । २ दोषरहित । ३ दर्शन और ज्ञानसे ।

४ आकुलतारहित । ५ इंद्र । ६ अपने गुणोंका मनन करके । ७ विभाव्यरूपी
 विप । ८ अपरिमित । ९ इन्द्र । १० रंक नाचीज । ११ स्वर्ग गया ।

अमित शरीर । तुम गुनचिंतित नशत तथा भय, ज्यों
घन चलत समीर ॥ हमारी० ॥ ३ ॥ कोटवारकी
अरज यही है, मैं दुख सहूं अधीर । हरहु वेदनाफंद
दौलको, कतर कर्म जंजीर ॥ हमारी० ॥ ४ ॥

२०.

सत्र मिल देखो हेली म्हारी हे, त्रिसलावाल वदन
रसाल । सत्र० ॥ टेक ॥ आये जुतसमवसरन कृपाल,
विचरत अभय व्याल मराल, फलित भई सकल तरु-
माल । सत्र० ॥ १ ॥ नैन न हाल भृकुटी न चाल,
वैन विदारै विभ्रमजाल, छवि लखि होत संत निहाल ।
सत्र० ॥ २ ॥ वंदन काज साज समाज, संग लिये
खजन पुरजन ब्राज, श्रेणिक चलत है नरपाल । सत्र०
॥ ३ ॥ यों कहि मोदजुत पुरवाल, लखन चाली चर-
मजिनपाल, दौलत नमत कर धर भाल ॥ सत्र० ॥ ४ ॥

२१.

अरिरजरहंस हनन प्रभु अरहन, जैवंतो जगमें । देव
अदेव सेव कर जाकी, धरहिं मौलि पगमें ॥ अरिरज० ॥
टेक ॥ जा तन अष्टोत्तरसहस्र लक्खन लखि कलिल शमें ।
जा बचदीपशिखातैं मुनि विचरैं गिवमारगमें ॥ अरि-
रज० ॥ १ ॥ जास पासतैं गोकहरन गुन, प्रगट भयो
नंगमें । व्यालमराल कुरंगसिंघको, जातिविरोध गमें ॥

१ मोह । २ ज्ञानदर्शनावरणी । ३ अन्तर्गम्य । ४ अशोकशृङ्गमें ।

अरिज० ॥ २ ॥ जा जस-भगन उलंघन कोऊ, क्षम
न सुनीखगमें । दौल नाम तसु सुरतरु है या, भवमरु-
थलमगमें ॥ अरि० ॥ ३ ॥

२२.

हे जिन तेरे मैं शरणै आया । तुम हो परमदयाल
जगतगुरु, मैं भव भव दुख पाया ॥ हे जिन० ॥ टेक ॥
मोह महादुठ घेर रख्यौ मोहि, भवकानन भटकाया । नित
निज ज्ञानचरननिधि विसन्यौ, तन घनकर अपनाया ॥
हे जिन० ॥ १ ॥ निजानंदअनुभवपियूषं तज, विषय-
हलाहल खाया । मेरी भूल मूल दुखदाई, निमित्त मोह-
विधि थाया ॥ हे जिन० ॥ २ ॥ सो दुठ होत शिथि-
ल तुमरे ढिग, और न हेतु लखाया । शिवस्वरूप शिव
भगदर्शक तुम, सुयश सुनीगन गाया ॥ हे जिन० ॥ ३ ॥
तुम हो सहजनिमित्त जगहितके, मो उर निश्चय भाया
भिन्न होइं विधितैं सो कीजे, दौल तुम्हैं सिर नाया ।
हे जिन० ॥ ४ ॥

२३.

हे जिन मेरी, ऐसी बुधि कीजै । हे जिन० ॥ टेक ॥
रागद्वेषदावानलतैं वधि, समतारसमें भीजै । हे जिन०
॥ १ ॥ परमें त्याग अर्पणपो निजमें, लाग न कब

१ समर्थ । २ संसाररूपी मारवाड़ देगके मार्गमें । ३ दृष्ट । ४ संसार-
वन । ५ अन्त । ६ क्रमोंसे । ७ आत्मत्व अपनापना ।

छीजै ॥ हे जिन० ॥ २ ॥ कर्म कर्मफलमाहिं न राचै,
ज्ञानसुधारस पीजै ॥ हे जिन० ॥ ३ ॥ मुझ कारजके
तुम कारन वर, अरज दौलकी लीजै । हे जिन० ॥ ४ ॥

२४.

शामरियाके नाम जपेतैं, छूट जाय भवभामरियां ।
शाम० ॥ टेक ॥ डुरित डुरत पुन पुरत फुरतें गुन,
आतमकी निधि आगरियां । विघटत है परदाह चाह
झट, गटकते समरस गागरियां । शाम० ॥ १ ॥ कटत
कलंक कर्म कलसाँयन; प्रगटत शिवपुरडाँगरियां । फटत
घटाघन मोह छोह हट, प्रगटत भेदज्ञान घरियां ॥
शाम० ॥ २ ॥ कृपाकटाक्ष तुमारीहीतैं, जुगलनागवि-
पदा टरियां । धार भये सो मुक्तिरमावर, दौल नमैं
तुव पागरियां ॥ शाम० ॥ ३ ॥

२५.

शिवमगदरसावन राँवरो दरस । शिवमग० ॥ टेक ॥
पर-पद-चाह-दाह-गद नाशन, तुम वचभेषज-पान सरस ।
शिवमग० ॥ १ ॥ गुणचितवत निज अनुभव प्रगटै,
विघटै विधिठग दुविध तरस । शिवमग० ॥ २ ॥ दौल

१ भवभ्रमण । २ पाप । ३ छिपते हैं । ४ स्फुरित होता है । ५ गटकते हैं
अर्थात् पीते हैं । ६ कालिख । ७ मोक्षकी टगर अर्थात् रास्ता । ८ रागद्वेष ।
९ तुम्हारा नाम धारण करके । १० आपका । ११ पुद्गलमन्वन्धी चाहका
दाहरूपीरोग नाशकरनेके लिये दवाई ।

अवांची संपति सांची, पाय रहै थिर राच सरस ।
शिवमग० ॥ ३ ॥

२६.

मेरी सुध लीजै रिपभखाम । मोहि कीजै शिवपथ-
गाम् ॥ टेक ॥ मैं अनादि भवभ्रमत दुखी अव, तुम
दुख भेटत कृपाधाम । मोहि मोह घेरा कर घेरा, पेरा
चहुंगति विदित ठाम । मेरी० ॥ १ ॥ विषयन मन लल-
चाय हरी सुझ, शुद्धज्ञान-संपति ललाम । अथवा यह
जड़को न दोष मम, दुखसुखता, परनतिसुकाम ॥
मेरी० ॥ २ ॥ भाग जगे अव चरन जपे तुम, वच
सुनके गहे सुगुनग्राम । परमविराग ज्ञानमय मुनिजन,
जपत तुमारी सुगुनैदाम ॥ मेरी० ॥ ३ ॥ निर्विकार
संपति कृति तेरी, छविपर वारों कोटि काम । भव्यनि-
के भव हारन कारन, सहज यथा तमहरन धाम ॥
मेरी० ॥ ४ ॥ तुम गुनमहिमा कथनकरनको, गिनत
गैनी निजबुद्धि खाम । दौलतैनी अज्ञान परनती, हे
जगत्राता कर विराम ॥ मेरी० ॥ ५ ॥

२७.

मोहि तारो जी क्यों ना ? तुम तारक त्रिजग त्रि-
कालमें, मोहि० ॥ टेक ॥ मैं भवउदधि पस्थौ दुख

१ अवाच्य, जिसका वर्णन न हो सके । २ गुणोंके समूह । ३ गुणोंकी
माला । ४ सूर्यका प्रकाश । ५ गणधर । ६ कोताही, कमी । ७ दौलतकी ।

भोग्यौ, सो दुख जात कह्यौ ना । जामन मरन अनंतत-
 नो तुम, जाननमाहिं छिप्यौ ना ॥ मोहि० ॥ १ ॥
 विषय विरसरस विषम भख्यौ मैं, चख्यौ न ज्ञान
 सलोना । मेरी भूल मोहि दुख देवै, कर्मनिमित्त भलौ
 ना ॥ मोहि० ॥ २ ॥ तुम पदकंज धरे हिरदै जिन,
 सो भवताप तप्यौ ना । सुरगुरुहूके वचनकरनकर, तुम
 जसगगन नप्यौ ना ॥ मोहि० ॥ ३ ॥ कुगुरु कुदेव
 कुश्रुत सेये मैं, तुम मत हृदय धख्यौ ना । परम विराग
 ज्ञानमय तुम जा,-ने विन काज सख्यौ ना ॥ मोहि०
 ॥ ४ ॥ मो सम पतितैं न और दयानिधि, पतिततार
 तुम सौ ना । दौलतनी अरदाँस यही है, फिर भववास
 वसौं ना ॥ मोहि० ॥ ५ ॥

२८.

मैं आयौ, जिन शरन तिहारी । मैं चिरदुखी वि-
 भावभावतैं, स्वाभाविक निधि आप विसारी ॥ मैं०
 ॥ १ ॥ रूप निहार धार तुम गुन सुन, वैन होत भवि
 शिवभगचारी । यौं ममकारजके कारन तुम, तुमरी सेव
 एव उर धारी ॥ मैं० ॥ २ ॥ मिल्यौ अनंत जन्मतैं
 अवसर, अव विनऊ हे भवसरतारी । परमें इष्ट अनिष्ट
 कल्पना, दौल कहै झट मेट हमारी ॥ मैं० ॥ ३ ॥

१ वचनरूपी किरणोंसे अथवा हाथोंसे । २ मापा नहीं गया । ३ पापी ।
 ४ पापियोंका तारनेवाला । ५ अर्जा ।

२९.

मैं हरख्यौ निरख्यौ मुख तेरो । नासान्यस्त नयन
 भ्रूँ हलय न, वयन निवारन मोह अँधेरो ॥ मैं० ॥ १ ॥
 परमें कर मैं निजबुधि अब लों, भवसरमें दुख सह्यौ
 घनेरो । सो दुखभानन खपर, पिछानन, तुमविन आन
 न कारन हेरो ॥ मैं० ॥ २ ॥ चाह भई शिवराहलाहँ-
 की, गयौ उछाह असंजमकेरो । दौलत हितविराग
 चित आन्यौ, जान्यौ रूप ज्ञानदृग मेरो ॥ मैं० ॥ ३ ॥

३०.

प्यारी लागै म्हाने जिन छवि थारी ॥ टेक ॥ परम
 निराकुलपद दरसावत, वर विरागताकारी । पटभूषन
 विन पै सुंदरता, सुरनरमुनिमनहारी ॥ प्यारी० ॥ १ ॥
 जाहि विलोकत भवि निज निधि लहि, चिरविभावता
 टारी । निरनिमेषतैं देख सँचीपति, सुरताँ सफल वि-
 चारी ॥ प्यारी० ॥ २ ॥ महिमा अकथ होत लख
 ताको, पशु सम समकितधारी । दौलत रहो ताहि
 निरखनकी, भव भव टेव हमारी ॥ प्यारी० ॥ ३ ॥

३१.

निरख मुख पायौ, जिन मुखचंद । नि० ॥ टेक ॥
 मोह महातम नाश भयौ है, उर अंबुज प्रफुलायौ ।

१ नासिकापर लगाई है दृष्टि जिसने । २ हिलते नहीं हैं । ३ लाभ—प्राप्ति-
 की । ४ टिमकाररहित । ५ इन्द्र । ६ देवपणा ।

ताप नस्यौ वढ़ि उदधि अनंद । निरख० ॥ १ ॥ चकवी
कुमति विचुर अति विलखै, आतमसुधा स्रवायौ ।
शिथिल भये सब विधिगनफंद ॥ निरख० ॥ २ ॥
विकट भवोदधिको तट निकट्यौ, अघतरुमूल नसायौ ।
दौल लखौ अब सुपद खछंद ॥ निरख० ॥ ३ ॥

३२.

निरख सखि ऋपिनको ईश यह ऋपभ जिन, पर-
खिके खपर परसोंज छारी । नैन नाशाग्र धरि मैर्न
विनसायकर, मौनजुत खास दिशि^१-सुरभिकारी ॥ नि-
रख० ॥ १ ॥ धरासम क्षांतियुत नैरामरखचरनुत, वि-
शुंतरागादिमद दुरितहारी । जास क्रमपास भ्रमनाश
पंचास्य मृग, वासकरि प्रीतिकी रीति धारी ॥ निरख०
॥ २ ॥ ध्यानदवमाहिं विधिंदारु प्रजराहिं सिर, केश-
शुभ जिमि धुआं दिशि विथारी । फैसे जगपंक जनरंक
तिन काढ़ने, किधौं जगनाह यह वाँह सारी ॥ निर-
ख० ॥ ३ ॥ तस हाँटकवरन वसन विन आभरन, खरे
थिर ज्यौं शिखर मेरुंकारी । दौलको दैन शिवधौल
जगमौल जे, तिन्हें कर जोर वंदन हमारी ॥ निरख० ॥ ४ ॥

१ परपरणति । २ काम । ३ दिशाओंको सुगन्धित करनेवाली । ४ मनुष्य
देव विद्याघरोंसे वन्दनीय । ५ रहित । ६ पाप । ७ चरण । ८ सिंह । ९ ध्या-
नरूपीअग्निनें । १० कर्मरूपी ईधन । ११ वित्तारी । १२ पसारी । १३ तपाये
हुए सोनेका सा रंग । १४ मेरुका । १५ मुक्तिरूपी महल ।

३३.

ध्यानकृपान पानि गहि नासी, त्रेसठ प्रकृति अरी ।
 शेष पंचासी लाग रही हैं, ज्यों जेवरी जरी ॥ ध्यान०
 ॥ टेक ॥ दुठ अनंगमातंगभंगकर, है प्रबलंगहॅरी । जा
 पदभक्ति भक्तजन-दुख-दावानल-मेघझरी ॥ ध्यान०
 ॥ १ ॥ नवल धवल पल्ले सोहै कॅलमें, क्षुधतृपव्याधि
 टरी । हलत न पलक अँलक नख बढ़त न, गति नभ-
 माहिं करी । ध्यान० ॥ २ ॥ जा विन शरन मरन जर-
 धरधर, महा असात भरी । दौल तास पद दास होत
 है, वास सुक्तिनगरी ॥ ध्यान० ॥ ३ ॥

३४.

दीठा भागनतैं जिनर्पाला, मोहनाशनेवाला । दी-
 ठा० ॥ टेक ॥ सुभग निशंक रागविन यातैं, वसन न
 आयुध बांला । मोह० ॥ १ ॥ जास ज्ञानमें युगपत
 भासत, सकल पदारथमाला । मोह० ॥ २ ॥ निजमें
 लीन हीन इच्छा पर,—हितमितवचन रसाला । मोह०
 ॥ ३ ॥ लखि जाकी छवि आतमनिधि निज, पावत
 होत निहाला । मोह० ॥ ४ ॥ दौल जासगुन चिंतत रत
 है, निकट विकट भवनाला ॥ मोह० ॥ ५ ॥

१ ध्यानरूपी तलवार । २ घातियाकर्मोंकी प्रकृतियें । ३ कामदेवरूपी
 को मारनेवाले । ४ बलवान् सिंह । ५ मास व रुधिर । ६ शरीरमें । ७ कै
 मम्यगदष्टीसे लगाकर वारहवें गुणस्थानतकके जीवोंको जिन सज्ञा है, उन
 १० । ९ स्त्री ।

३५.

थारा तौ वैनॉमें सरधान घणो छै, म्हारै छवि निर-
खत हिय सरसावै । तुमधुनिघन पैरचहन-दहनहर, वर
समता-रस-झर वरसावै । थारा० ॥ १ ॥ रूपनिहारत
ही बुधि है सो, निजपरचिह्न जुदे दरसावै । मैं चिदंक
अकलंक अमल थिर, इन्द्रियसुखदुख जड़फरसावै ।
थारा० ॥ २ ॥ ज्ञानविरागसुगुनतुम तिनकी, प्रापति-
हित मुरंपति तरसावै । मुनि बड़भाग लीन तिनमें
नित, दौल धवल उपयोग रसावै ॥ थारा० ॥ ३ ॥

३६.

त्रिभुवनआनंदकारी जिन छवि, थारी नैननिहारी ।
त्रिभु० ॥ टेक ॥ ज्ञान अपूरव उदय भयो अब, या
दिनकी बलिहारी । मो उर मोद बड़ो जु नाथ सो,
कथा न जात उचारी । त्रिभु० ॥ १ ॥ सुन घनघोर
मोरसुद ओर न, ज्यों निधि पाय भिखारी । जाहि
लखत झट झरत मोहरज, होय सो भवि अविकारी ॥
त्रिभु० ॥ २ ॥ जाकी सुंदरता सु पुरंदर-शोभ लजाव-
जहारी । निज अनुभूति सुधाछवि पुलकित, वदन मदन

वचनोंमें । २ आपका वाणीरूप मेघ । ३ परपदायोंकी चाहरूपी अग्निको
देव नेवाला है । ४ चैतन्यस्वरूप । ५ इन्द्रियजन्य सुखदुख जडका स्पर्श करते
नहै मेरा नहीं, मुझे सुखदुख नहीं होते । ६ इन्द्र । ७ विशुद्ध-निर्मल ।
हुआ इन्द्रकी शोभा ।

अरिहारी ॥ त्रिभु० ॥ ३ ॥ शूल दुकूलं न वाला मा-
ला, मुनिमनमोद प्रसारी । अरुन न नैनन सैन भ्रमै न
न, वंक न लंकं सम्हारी ॥ त्रिभु० ॥ ४ ॥ तातैं वि-
धिविभाव क्रोधादि न, लखियत हे जगतारी । पूजत
पातकपुंज पलावत, ध्यावत शिवविस्तारी ॥ त्रिभु०
॥ ५ ॥ कामधेनु सुरतरु चिंतामनि, इकभव सुखकर-
तारी । तुम छवि लखत मोदतैं जो सुर, सो तुमपद
दातारी ॥ त्रिभु० ॥ ६ ॥ महिमा कहत न लहत पार
सुर, गुरुहूकी बुधि हारी । और कहै किम दौल चहै
इम, देहु दशा तुमधारी ॥ त्रिभु० ॥ ७ ॥

३७.

जिन छवि तेरी यह, धन जगतारन । जिन छवि०
॥ टेक ॥ मूल न फूलें दुकूलं त्रिशूल न, शमदमकारन
भ्रमतमवारन । जिन० ॥ १ ॥ जाकी प्रभुताकी महि-
मातैं, सुरनधीशता लागत सार न । अवलोकत भवि-
थोक मोख मग, चरत वरत निजनिधि उरधारन ।
जिन० ॥ २ ॥ जजत भजत अघ तौ को अचरज ?
समकित पावन भावनकारन । तासु सेवफल एव चहत
नित, दौलत जाके सुगुन उचारन ॥ जिन छ० ॥ ३ ॥

१ त्रिशूल । २ वल्ल । ३ कमर । ४ जटा वा वल्कल । ५ फूलोंकी माला ।
६ वल्ल । ७ इन्द्रपणा । ८ आपके पूजनेसे यदि पाप भागते हैं, तो इसमें
५५। आश्चर्य है ?

३८.

चलि सखि देखन नाभिरायघर, नाचत हरि नंद-
वा । चल० ॥ टेक ॥ अदभुत ताल मान शुभलययुत,
चवंत राग पँटवा । चल सखि० ॥ १ ॥ मनिमय नूपु-
सादिभूषनदुति, युत सुरंग पँटवा । हैरिकर नखन नख-
नपै सुरतिय, पगफेरत कटवाँ ॥ चल० ॥ २ ॥ किन्नर
करधर वीनवजावत, लावत लय झटवाँ । दौलत ताहि
लखैँ चँख तृपते, सूझत शिर्ववटवा ॥ चल० ॥ ३ ॥

३९.

आज गिरिराज निहारा, धनभाग हमारा । श्रीस-
म्मेद नाम है जाको, भूपर तीरथ भारा ॥ आज गिरि०
॥ टेक ॥ तहां वीस जिन मुक्ति पधारे, अवर मुनीश
अपारा । आरजभूमिशिखामनि सोहै, सुरनरमुनि-मन-
प्यारा ॥ आज गिरि० ॥ १ ॥ तहँ धिर योग धार यो-
गीसुर, निज-परतत्त्व विचारा । निज स्वभावमें लीन
होयकर, सकल विभाव निवारा ॥ आज गिरि० ॥ २ ॥
जाहि जजत भवि भावनतैं जब, भवभवपातक टारा ।
जिनगुन धार धर्मधन संचो, भवदारिदहरतारा ॥ आ-
ज गिरि० ॥ ३ ॥ ईक नंभ नंव ईक वर्ष माघवदि,
चौदश वासर सारा । माथ नाय जुतसाथ दौलने, जय
जय शब्द उचारा ॥ आज गिरि० ॥ ४ ॥

१ इन्द्ररूपी नट । २ गाते हैं । ३ छै राग । ४ कपड़े । ५ इन्द्रके हाथोंके
नखोंपर । ६ कमर । ७ शीघ्र ही । ८ नेत्र । ९ मोक्षमार्ग ।

४०.

आज मैं परम पदारथ पायौ, प्रभुचरनन चित ला-
यौ । आज० ॥ टेक ॥ अशुभ गये शुभ प्रगट भये हैं,
सहजकल्पतरु छाया । आज० ॥ १ ॥ ज्ञानशक्ति तप
ऐसी जाकी, चेतनपद दरसायौ । आज० ॥ २ ॥ अष्ट-
कर्म रिपु जोधा जीते, शिव अंकूर जमायौ । आज० ॥ ३ ॥

४१.

नेमिप्रभूकी श्यामवरन छवि, नैनन छाया रही ॥ टेक ॥
मणिमय तीनपीठपर अंबुज, तापर अधर ठही । नेमि०
॥ १ ॥ मार मार तप धार जार विधि, केवलऋद्धि
लही । चारतीस अतिशय दुतिमंडित, नवदुर्गदोष
नही । नेमि० ॥ २ ॥ जाहि सुरासुर नमत सतत,
मस्तकतैं परस मँही । सुरगुरुवरअम्बुजप्रफुलावन अद्भुत
न सही । नेमि० ॥ ३ ॥ धर अनुराग विलोकत
जाको, दुरित नसै सब ही । दौलत महिमा अतुल
जासकी, कापै जात कही । नेमि० ॥ ४ ॥

४२.

अहो नमि जिनप नित नमत शतैं सुरप, कंदर्पगज-
दूर्पनाशन प्रबल पनलपन । अहो० ॥ टेक ॥ नाथ,

१ कामदेवको मारके । २ अष्टादश । ३ निरन्तर । ४ पृथिवी । ५ सौ
इन्द्र । ६ कामदेव । ७ गर्व । ८ पन=पाच हैं, लपन=मुख जिसके ऐसा पंचा-
नन अर्थात् सिंह ।

तुम वानि पयपान जे करत भवि, नसै तिनकी जराम-
रनजामनतपन । अहो नमि० ॥ १ ॥ अहो शिवभौन
तुम चरनचिंतौन जे, करत तिन जरत भावीहुंखद भव-
विपेन ॥ हे भुवनपाल तुम विशदगुनमाल उर, धरै ते
लहै दुक कालमें श्रेयपन । अहो नमि० ॥ २ ॥ अहो
गुनतूपे तुमरूप चखसहसकरि. लखत सन्तोष प्रापति
भयौ नाकर्षे न ॥ अजं, अर्कल, तज सकल दुखद
परिगह कुगंह, दुसहपरिसह सही धार व्रत सार पन ।
अहोनमि० ॥ ३ ॥ पाय केवल सकल लोक करवत लख्यौ,
अंख्यौ वृष द्विधा सुनि नसत भ्रमतमझपेन । नीच
कीचक क्रियौ मीचिंते रहित जिम, दौसको पास ले
नास भववास पेन । अहो नमि० ॥ ४ ॥

४३.

। प्रभु मोरी ऐसी बुधि कीजिये । रागदोषदावानलसे
वच, समतारसमें भीजिये । प्रभु० ॥ टेक ॥ परमें
त्याग अपनपो निजमें, लाग न कवहूं छीजिये । कर्म
कर्मफलमाहिं न राचत, ज्ञान सुधारस पीजिये ।

१ मविष्यत्में दुख देनेवाले । २ चत्वाररूपी वन । ३ स्वच्छ । ४ उत्तमता ।
५ गुणोंके समूह । ६ इन्द्र । ७ नहीं है आगेको जन्म जिसका । ८ निष्पाप ।
९ खोटे ग्रह । १० उपदेन्द्रिया । ११ टकन । १२ च्युसे । १३ 'दौलको' ऐना
सां पाठ है । १४ पंच परावर्तनरूप चत्वार । १५ इस पदके दौलतरामजीकृत
होनेमें संदेह है । १६ न्यून न होवे ।

प्रभु सोरी० ॥ १ ॥ सम्यग्दर्शन ज्ञान चरननिधि, ताकी
प्राप्ति करीजिये । मुझकारजके तुम बड़ कारन, अरज
दौलकी लीजिये । प्रभु सोरी० ॥ २ ॥

४४.

वारी हो बधाई या शुभ साजै । विश्वसेन ऐराँदेवी-
गृह, जिनभवमंगल छाजै । वारी० ॥ टेक ॥ सब अम-
रेश अशेष विभवजुत, नगर नागपुर आये । नाग-दंत्त
सुरइन्द्रवचनतै, ऐरावत सज धाये । लखजोजन शतव-
दन वदनवसु, रदँ प्रतिसर ठहराये । सर-सर सौ-पन-
चीस नलिनप्रति, पदम पचीस विराजै । वारी हो०
॥ १ ॥ पदमपदमप्रति अष्टोत्तरशत, ठने सुदल मनहा-
री । ते सब कोटि सताइसपै सुद; जुत नाचत सुरना-
री । नवरसगान ठान काननको, उपजावत सुख भारी ।
वंक लै लावत लंक लचावत, दुति लखि दामनि लाजै ।
वारी हो० ॥ २ ॥ गोपँ गोर्पतिय जाय मायढिग,
करी तास थुति सारी । सुखनिद्रा जननीको कर नमि,
अंकँ लियो जंगतारी । लै वसु मंगलद्रव्य दिशसुँरीं चलीं
अग्र शुभकारी । हरखि हँरी चख सहस करी तब, जिन-
वर निरखनकाजै । वारी हो० ॥ ३ ॥ ता गजेन्द्रपै

१ शान्तिनाथ भगवानकी माता । २ भगवानके जन्मका उत्सव । ३ सम्पूर्ण । ४ हस्तिनापुर । ५ कुवेर । ६ दौत । ७ गुप्त रूपसे । ८ इन्द्राणी । ९ गोदमें । १० भगवानको । ११ दिक्कन्यका देवियाँ । १२ इन्द्र ।

प्रथम इन्द्रने, श्रीजिनेन्द्र पधराये । द्वितियं छत्र दिय
 त्रैतिय, तुरिय-हरि, सुद धरि चमर डुराये । शेषैशक्र
 जयशब्द करत नम, लंघ सुराचल छाये । पांडुशिला
 जिन थाप नची संचि, दुंदुभिकोटिक वाजै । वारी०
 ॥ ४ ॥ पुनि सुरेशने श्रीजिनेशको, जन्मन्हवन शुभ ठानो ।
 हेमकुंभ सुरहायहिं हाथन, क्षीरोदधिजल आनो । वद-
 नउदरअवगाह एक चौ, वसु योजन परमानो । सहस-
 आठकर करि हरि जिनसिर, ढारत जयधुनि गाजै ।
 वारी० ॥ ५ ॥ फिर हरिनाँरि सिँगार स्वामितन, जजे
 सुरा जस गाये । पूर्वली विधिकर पयान सुद,-ठान
 पिताघर लाये । मनिमय आंगनमें कनकासन,-पै
 श्रीजिन पधराये । तांडव नृत्य कियो सुरनायक, शोभा
 सकल समाजै । वारी० ॥ ६ ॥ फिर हरि जगगुरुपि-
 तर तोष शान्तेशं घोषं जिन नामा । पुत्रजन्म उत्साह
 नगरमें, कियौ भूप अभिरामा । साध सकल निजनि-
 जनियोग सुर,-असुर गये निजधामा । त्रिपदधारि
 जिनचारुचरनकी, दौलत करत सदा जै । वारी० ॥७॥

१ ऐशान इन्द्र । २ सानकुमार और माहेन्द्र । ३ वाक्रीके सब इन्द्र ।
 ४ सुमेरु । ५ इन्द्राणी । ६ सोनेके कलशोंके मुत्र एक योजन, उदर चार
 योजन और-गहराई आठ योजन थी । ७ इन्द्राणी । ८ पूर्वकी । ९ जिन
 भगवानके पिताकी स्तुतिकरके । १० शान्तिनाथनाम । ११ घोषणा करके ।
 १२ तीर्थकरल, चक्रवर्तिल और कामदेवल इन तीन पदोंके धारी ।

४५.

हे जिन, तेरो सुजस उजागर, गावत हैं सुनिजन
 ज्ञानी । हे जिन० ॥ टेक ॥ दुर्जय मोह महाभट जाने,
 निजवश कीनें जगप्रानी । सो तुम ध्यानकृपान पानि-
 गहि, ततछिन ताकी थिति भानी । हे जिन० ॥ १ ॥
 सुप्त अनादि अविद्या निद्रा, जिन जन निजसुधि विस-
 रानी । ह्वै सचेत तिन निजनिधि पाई, श्रवन सुनी
 जब तुमवानी । हे जिन० ॥ २ ॥ मंगलमय तू जगमें उत्तम,
 तुही शरन शिवमगदानी । तुवपद-सेवा परम औषधी,
 जन्मजरामृतगद हानी । हे जिन० ॥ ३ ॥ तुमरे पंच-
 कल्याणकमाहीं, त्रिभुवन मोददशा ठानी । विष्णु,
 विदंबर, जिष्णु, दिगम्बर, बुध, शिव कह ध्यावत
 ध्यानी । हे जिन० ॥ ४ ॥ सर्व दर्वगुनपरजयपरनति,
 तुम सुबोधमें नहिं छानी । तातैं दौल दास उरआशा,
 प्रगट करो निजरससानी । हे जिन० ॥ ५ ॥

४६.

× हे मन, तेरी को कुटेव यह, कैरनविषयमें धावै
 है । हे मन० ॥ टेक ॥ इनहीके वश तू अनादितैं,
 निजस्वरूप न लखावै है । पराधीन छिन छीन समाकुल,

दुरगतिविपती चखावै है । हे मन० ॥ १ ॥ फरस
विषयके कारन वारुन, गरत परत दुख पावै है । रसना-
इंद्रीवश झूप जलमें, कंटक कंठ छिदावै है । हे मन०
॥ २ ॥ गंधलोल पंकज मुंद्रितमें, अलि निजप्रान खपावै
है । नयनविषयवश दीपशिखामें, अंग पतंग जरावै है ।
हे मन० ॥ ३ ॥ करनविषयवश हिरन अरुनमें, खल-
कर प्रान लुनावै है । दौलत तज इनको जिनको भज,
यह गुरु शीख सुनावै है । हे० ॥ ४ ॥

४७

हो तुम शठ अविचारी जियरा, जिनवृष पाय वृथा
खोवत हो । हो तुम० ॥ टेक ॥ पी अनादि मदमोह
स्वगुननिधि, भूल अचेत नीद सोवत हो । हो तुम० ॥
॥ १ ॥ स्वहित सीखवच सुगुरु पुकारत, क्यों न खोल
उर-दृग जोवत हो । ज्ञान विसार विषयविष चाखत,
सुरतरुं जारि कनक वोवत हो ॥ हो तुम० ॥ २ ॥
स्वारथ सगे सकल जगकारन, क्यों निज पापभार ढोवत
हो । नरभव सुकुल जैनवृष नौका, लहि निज क्यों भव-
जल डोवत हो ॥ हो तुम० ॥ ३ ॥ पुण्यपापफल वा-
तव्याधिवश, छिनमें हँसत छिनक रोवत हो । संयम-

१ हाथी । २ गदमे । ३ मछली । ४ वदकमलमें । ५ कानके विषयसे ।
६ वनमें । ७ जिनधर्म । ८ हियेकी आखें । ९ कल्पवृक्षको जलाकर ।
१० धतूरा ।

सलिल लेय निज उरके, कलिमल क्यों न दौल धोवत
हो ॥ हो तुम० ॥ ४ ॥

४८.

हो तुम त्रिभुवनतारी हो जिन जी, मो भवजलधि
क्यों न तारत हो ॥ टेक ॥ अंजन कियौ निरंजन
तातैं, अधमउधार विरद धारत हो । हरि बराह मर्कट
झट तारे, मेरी बेर ढील पारत हो । हो तुम० ॥ १ ॥
यौं बहु अधम उधारे तुम तौ, मैं कहा अधम न मुहि
टारत हो । तुमको करनो परत न कछु शिव,-पथ
लगाय भव्यनि तारत हो । हो तुम० ॥ २ ॥ तुम छ-
वि निरखत सहज टरैं अध, गुण चिंतत विधि-रज झारत
हो । दौल न और चहै मो दीजे, जैसी आप भावना-
रत हो । हो तुम० ॥ ३ ॥

४९.

मान ले या सिख मोरी, झुकै मत भोगन ओरी ।
मान ले० ॥ टेक ॥ भोग भुजंगभोगसम जानो, जिन
इनसे रति जोरी । ते अनंत भव भीम भरे दुख, परे
अधोगति पौरी; बँधे दृढ पातकडोरी ॥ मान० ॥ १ ॥
इनको त्याग विरागी जे जन, भये ज्ञानवृषधोरी । तिन
सुख लखौ अचल अविनाशी, भवफांसी दई तोरी;

रमै तिनसँग शिवगोरी । मान० ॥ २ ॥ भोगनकी अ-
भिलाप हरनको, त्रिजगसंपदा थोरी । यातैं ज्ञानानंद
दौल अब, पियौ पियूप कटोरी; मिटै भवव्याधि क-
ठोरी ॥ मान० ॥ ३ ॥

५०.

छांड़ि दे या बुधि भोरी, वृथा तनसे रति जोरी ।
छांड़ि० ॥ टेक ॥ यह पर है न रहै थिर पोपत, सकल
कुमलकी झोरी । यासौं ममता कर अनादितैं, वँधो
कर्मकी डोरी, सहै दुख जलधि हिलोरी ॥ छांड़ि दे
या बुधि भोरी; वृथा० ॥ १ ॥ यह जड़ है तू चेतन
याँ ही, अपनावत वरजोरी । सम्यकदर्शन ज्ञान चरण
निधि, ये हैं संपत तोरी, सदा विलसौ शिवगोरी ॥
छांड़ि दे या बुधि भोरी; वृथा० ॥ २ ॥ सुखिया भये
सदीव जीव जिन, यासौं ममता तोरी । दौल सीख यह
लीजे पीजे, ज्ञानपियूप कटोरी, मिटै परचाह कठोरी ॥
छांड़ि दे या बुधि भोरी; वृथा० ॥ ३ ॥

५१.

/ भाखूं हित तेरा, सुनि हो मन मेरा, भाखूं० ॥
॥ टेक ॥ नरनरकादिक चारौं गतिमें, भटक्यो तू अ-
धिकानी । परपरनतिमें प्रीति करी निज परनति नाहिं
पिछानी, सहै दुख क्यों न घनेरा ॥ भाखूं० ॥ १ ॥

कुगुरुकुदेवकुपंथपंक फँसि, तैं बहु खेद लहायौ । शिव-
सुख दैन जैन जगदीपक, सो तैं कबहुं न पायौ, मिथ्यौ
न अज्ञानअँधेरा ॥ भाखूं० ॥ २ ॥ दर्शनज्ञानचरण तेरी
निधि, सो विधिठगन ठगी है । पांचों इंद्रिनके विषय-
नमें, तेरी बुद्धि लगी है, भया इनका तू चेरा ॥ भाखूं०
॥ ३ ॥ तू जगजालविषैं बहु उरझ्यौ, अव कर ले
सुरझेरा । दौलत नेमिचरनपंकजका, हो तू भ्रमर सँ-
वेरा, नशै ज्यों दुख भवकेरा ॥ भाखूं० ॥ ४ ॥

५२.

ऐसा मोही क्यों न अधोगति जावै, जाको जिन-
वानी न सुहावै । ऐसा० ॥ टेक ॥ वीतरागसे देव
छोड़कर, भैरव यक्ष मनावै । कल्पलता दयालुता तजि
हिंसा इन्द्रायनि वाँवै ॥ ऐसा० ॥ १ ॥ रुचै न गुरु
निर्ग्रन्थभेष बहु, परिग्रही गुरु भावै । परधन परति-
यको अभिलाषै, अशर्न अशोधित खावै ॥ ऐसा० ॥ २ ॥
परकी विभव देख है सीगी, परदुख हरख लहावै ।
धर्महेतु इक दाम न खरचै, उपवन लक्ष वहावै ॥
ऐसा० ॥ ३ ॥ ज्यों गृहमें संचै बहु अघ त्यों, वनहूमे
उपजावै । अम्बर त्याग कहाय दिगम्बर, वाघम्बर
तन छावै ॥ ऐसा० ॥ ४ ॥ आरँभ तज शठ यंत्र मंत्र

१ कर्मरूपी ठगोने । २ शीघ्र ही । ३ बोवै । ४ भोजन । ५ विना शोध
हुआ । ६ हु खी । ७ वाग बनानेमें लाखों रुपये ।

करि, जनपै पूज्य मनावै । धाम वाम तज दासी राखै,
वाहिर मढ़ी बनावै ॥ ऐसा० ॥ ५ ॥ नाम धराय
जती तपसी मन, विषयनिमें ललचावै । दौलत सो
अनंत भव भटकै, औरनको भटकावै ॥ ऐसा० ॥ ६ ॥

५३

।/ ऐसा योगी क्यों न अभयपद पावै, सो फेर न भ-
वमें आवै । ऐसा० ॥ टेक ॥ संशय-विभ्रम-मोह-विव-
र्जित, स्वपरस्वरूप लखावै । लख परमात्म चेतनको
पुनि, कर्मकलंक मिटावै ॥ ऐसा योगी० ॥ १ ॥ भव-
तनभोगविरक्त होय तन, नग्न सुभेष बनावै । मोहवि-
कार निवार निजातम,—अनुभवमें चित लावै ॥ ऐसा
योगी० ॥ २ ॥ त्रस-थावर-वध त्याग सदा परमाददशा
छिटकावै । रागादिकवग झूठ न भाखै, तृणहु न अं-
दत गहावै ॥ ऐसा योगी० ॥ ३ ॥ वाहिर नारि त्या-
गि अंतर चिदब्रह्म सुलीन रहावै । परमाकिंचन धर्म-
सार सो, द्विविध प्रसंग बहावै ॥ ऐसा योगी० ॥ ४ ॥
पंच समिति त्रय गुप्ति पाल व्यवहार-चरनमग धावै ।
निश्चय सकलकपायरहित है, शुद्धात्म थिर थावै ॥
ऐसा योगी० ॥ ५ ॥ कुंकुम पंक दास रिपु तृण मणि,
व्याल माल सम भावै । आरत रौद्र कुध्यान विडारै, ध-
र्मशुक्लको ध्यावै ॥ ऐसा योगी० ॥ ६ ॥ जाके सु-

१ ससार और देह भोगोंसे विरक्त । २ विना दिया । ३ दो प्रकारका परिग्रह ।

खसमाजकी महिमा, कहत इन्द्र अकुलावै । दौल-
तासपद होय दास सो, अविचलऋद्धि लहावै ॥
ऐसा योगी० ॥ ७ ॥

५४.

लखो जी या जिय भोरेकी बातैं, नित करत अहि-
त हित घातैं । लखो जी० ॥ टेक ॥ जिन गनधर मुनि
देशवृती समकित्ती सुखी नित जातैं । सो पय ज्ञान न
पान करत न, अघांत विषयविष खातैं ॥ लखो० ॥ १ ॥
दुखस्वरूप दुखफलद जलैदसम, टिकत न छिनक बि-
लातैं । तजत न जगत न भजत पतित नित, रचत न
फिरत तहांतैं ॥ लखो० ॥ २ ॥ देह-गेह-धन-नेह
ठान अति, अघ संचत दिनरातैं । कुगति विपतिफलकी
न भीत, निश्चित प्रमाददशातैं ॥ लखो० ॥ ३ ॥
कबहुं न होय आपनो पर, द्रव्यादि पृथक चतुधातैं । पै
अपनाय लहत दुख शठ नभैं,—हतन चलावत लातैं ॥
लखो० ॥ ४ ॥ शिवगृहद्वार सार नरभव यह, लहि
दश दुर्लभतातैं । खोवत ज्यौं मनि काग उड़ावत, रोवत
रंकपनातैं ॥ लखो० ॥ ५ ॥ चिदानंद निर्द्वैद स्वपद
तज, अपद विपद-पैद रातैं । कहत-सुशिख गुरु गहत
नहीं उर, चहत न सुख समतातैं ॥ लखो० ॥ ६ ॥

१ वृत्त होता है । २ दुखरूप फल देनेवाला । ३ वादल । ४ द्रव्यक्षेत्रादि
स्वचतुष्टयसे । ५ आकाशके घात करनेको । ६ विपतिस्थानमें लवलीन ।

जैनवैन सुन भवि बहु भव हर, छूटे द्वंददशातैं । तिनकी
सुकथा सुनत न सुनतैं न, आत्मबोधकलातैं ॥ लखो०
॥ ७ ॥ जे जन समुझि ज्ञानदृगचारित, पावन पयव-
र्पातैं । तापविमोह हख्यौ तिनको जस, दौल त्रिभोन
विख्यातैं ॥ लखो० ॥ ८ ॥

५५.

सुनो जिया ये सतगुरुकी वातैं, हित कहत दयाल
दयातैं । सुनो० ॥ टेक ॥ यह तन आन अचेतन है
तू, चेतन मिलत न यातैं । तदपि पिछान एक आत-
मको, तजत न हठ शठतातैं ॥ सुनो० ॥ १ ॥ चहुं-
गति फिरत भरत ममताको, विषय महाविष खातैं ।
तदपि न तजत न रजत अभागे, दृगत्रैतबुद्धिसुधातैं ॥
सुनो० ॥ २ ॥ मात तात सुत भ्रात स्वजन तुझ,
साथी खारथ नातैं । तू इनकाज साज गृहको सब,
ज्ञानादिक मत घातैं ॥ सुनो० ॥ ३ ॥ तन धन भोग
सँजोग सुपनसम, वार न लगत विलातैं । ममत न
कर भ्रम तज तू भ्राता, अनुभव-ज्ञान-कलातैं ॥ सुनो०
॥ ४ ॥ दुर्लभ नरभव सुथल सुकुल है, जिन उपदेश
लहा तैं । दौल तजो मनसौं ममता ज्यों, निवड़ो द्वंद
दशातैं ॥ सुनो० ॥ ५ ॥

५६.

मोही जीव भरमतमतैं नहिं, वस्तुस्वरूप लखै है
 जैसें । मोही० ॥ टेक ॥ जे जे जड़ चेतनकी परनति,
 ते अनिवार परनवैं वैसें । वृथा दुखी शठ कर विकल्प
 यों, नहिं परिनवैं परिनवैं ऐसैं ॥ मोही० ॥ १ ॥ अशु-
 चि सरोग समल जड़मूरत, लखत विलात गगनघन
 जैसें । सो तन ताहि निहार अपनपो, चहत अवाध
 रहै थिर कैसें ॥ मोही० ॥ २ ॥ सुत-तिय-बंधु-वियो-
 गयोग यों, ज्यों सराय जन निकसै पैसैं ॥ विलखत
 हरखत शठ अपने लखि, रोवत हँसत मत्तजन जैसें ॥
 मोही० ॥ ३ ॥ जिन-रवि-वैन-किरन लहि जिन
 निज, रूप सुभिन्न कियौ परमैसैं ॥ सो जगमौल दौ-
 लको चिर थित, मोहविलास निकास हदैसैं ॥
 मोही० ॥ ४ ॥

५७.

ज्ञानी जीव निवार भरमतम, वस्तुस्वरूप विचारत
 ऐसैं । ज्ञानी० ॥ टेक ॥ सुत तिय बंधु धनादि प्रगट
 पर, ये मुझतैं हैं भिन्नप्रदेशैं । इनकी परनति है इन
 आश्रित, जो इन भाव परनवैं वैसें ॥ ज्ञानी० ॥ १ ॥ देह

१ जिसका निवारण नहीं हो सकता । २ जैसा परिणमन होना चाहिये
 वैसा । ३ इसप्रकार नहीं परिणमै, किन्तु इसप्रकार अपनी इच्छानुसार परि-
 णमै । ४ निकलै । ५ प्रवेश करै ।

अचेतन चेतन मैं इन, परनति होय एकसी कैसें ।
 पूरनगलन स्वभाव धरै तन, मैं अज अचल अमल नभ
 जैसें ॥ ज्ञानी० ॥ २ ॥ पर परिमन न इष्ट अनिष्ट
 न, वृथा रागरूप द्वंद्व भयेसैं । नसै ज्ञान निज फँसै
 बंधमें, मुक्त होय समभाव लयेसैं ॥ ज्ञानी० ॥ ३ ॥
 विषयचाहदवदाह नसै नहिं, विन निज सुधासिंधुमें
 पैसैं । अब जिनवैन सुने श्रवननतैं, मिटै विभाव करूं
 विधि तैसें ॥ ज्ञानी० ॥ ४ ॥ ऐसो अवसर कठिन पाय
 अब, निजहितहेत विलंब करेसैं । पछताओ बहु होय
 सयाने, चेतत दौल छुटो भवभैसें ॥ ज्ञानी० ॥ ५ ॥

५८.

। अपनी सुधि भूल आप, आप दुख उपायौ, ज्यों
 शुक नभचाल विसरि नलिनी लटकायौ ॥ अपनी०
 ॥ टेक ॥ चेतन अविरुद्ध शुद्ध, दरशबोधमय विशुद्ध,
 तजि जड़-रस-फरस-रूप, पुद्गल अपनायौ । अपनी० ॥
 ॥ १ ॥ इन्द्रियसुखदुखमें नित्त, पाग रागरुखमें चित्त,
 दायकभवविपतिवृंद, बंधको बढ़ायौ । अपनी० ॥ २ ॥
 चाहदाह दाहै, त्यागौ न ताह चाहै, समतासुधा न
 गाहै जिन, निकट जो वतायौ । अपनी० ॥ ३ ॥ मा-
 नुपभव सुकुल पाय, जिनवरशासन लहाय, दौल निज-
 स्वभाव भज, अनादि जो न ध्यायौ । अपनी० ॥ ४ ॥

५९.

जीव, तू अनादिहीतैं भूल्यौ शिवगैलवा । जीव० ॥
 टेक ॥ मोहमदवार पियौ, स्वपद विसार दियौ, पर
 अपनाय लियौ, इंद्रिसुखमें रचियौ, भवतैं न भियौन
 तजियौ मनमैलवा । जीव० ॥ १ ॥ मिथ्या ज्ञान आचरन,
 धरि कर कुमरन, तीन लोककी धरन, तामें कियो है
 फिरन, पायौ न शरन न लहायौ सुखशैलवा । जीव०
 ॥ २ ॥ अब नरभव पायौ, सुथल सुकुल आयौ, जिन
 उपदेश भायौ, दौल झट छिटकायौ, परपरनति दुखदा-
 यिनी चुरैलवा । जीव० ॥ ३ ॥

६०.

आपा नहिं जाना तूने, कैसा ज्ञानधारी रे ॥ टेक ॥
 देहाश्रित करि क्रिया आपको, मानत शिवमगचारी
 रे । आपा० ॥ १ ॥ निजनिवेदविन घोर परीसह,
 विफल कही जिन सारी रे । आपा० ॥ २ ॥ शिव चा-
 है तो द्विविधकर्मतैं, कर निजपरनति न्यारी रे ।
 आपा० ॥ ३ ॥ दौलत जिन निजभाव पिछान्यौ, तिन
 भवविपति विदारी रे । आ० ॥ ४ ॥

६१.

आत्मरूप अनूपम अद्भुत, याहि लखैं भवसिंधु त-

१ मोक्षका मार्ग । २ चुड़ैल । ३ 'न पिछाना' ऐसा भी पाठ है । ४
 अपनी आत्माका स्वरूप जाने विना । ५ 'द्विविधधर्म कर' ऐसा भी पाठ है ।

रो । आ० ॥ टेक ॥ अल्पकालमें भरत चक्रधर, निज
 आत्मको ध्याय खरो । केवलज्ञान पाय भवि बोधे,
 ततलिन पायौ लोकशिरो ॥ आ० ॥ १ ॥ या विन स-
 मुझे द्रव्यलिङ्गि मुनि, उग्र तपनकर भार भरो । नवग्रीव-
 कपर्यन्त जाय चिर, फेर भैषार्णवमाहिं परो ॥ आत०
 ॥ २ ॥ सम्यग्दर्शन ज्ञानचरनतप, थेहि जगतमें सार
 नरो । पूरव शिवको गये जाहिं अब, फिर जैहैं यह
 नियत करो ॥ आ० ॥ ३ ॥ कोटि ग्रन्थको सार यही
 है, येही जिनवानी उचरो । दौल ध्याय अपने आत-
 मको, मुक्तिरमा तव वेग बरो ॥ आ० ॥ ४ ॥

६२.

/ आप भ्रमविनाश आप आप जान पायौ, कर्णधृत
 सुवर्ण जिमि चितार चैन थायौ । आप० ॥ टेक ॥
 मेरो तन तनमय तन, मेरो मैं तनको त्रिकाल यौं
 कुबोध नश सुबोधभान जायौ ॥ आप० ॥ १ ॥ यह
 सुजैनवैन ऐन, चितत पुनि पुनि सुनैन, प्रगटो अब
 भेद निज, निवेदगुन वढायौ । आप० ॥ २ ॥ यौं ही
 चित अचित मिश्र, ज्ञेय ना अहेय हेय, इंधन धनंज
 जैसे, स्वामियोग गायौ । आप० ॥ ३ ॥ भँमर पोत

१ मोक्षशिखर=सिद्धशिला । २ घोर । ३ भवसमुद्रमे । ४ हे पुरुषो । ५
 निधय । ६ सुनयोंसे । ७ आत्मज्ञान । ८ अग्नि । ९ उत्तम योग । १० जहाज ।

छुटत झूटति, वाछित तट निकटत जिमि, मोह राग-
रुख हर जिय, शिवतट निकटायौ । आप० ॥ ४ ॥
विमल सौख्यमय सदीव, मैं हू मैं नहीं अजीव, जोत
होत रज्जुमय, भुजंग भय भगायौ । आप० ॥ ५ ॥ यौ
ही जिनचंद सुगुन, चिंतत परमारथ चुन, दौल भाग
जागो जब, अल्पपूर्व आयौ । आप० ॥ ६ ॥

६३.

विषयोंदा मद भानै, ऐसा है कोई वे ॥ टेक ॥
विषय दुःख अर दुखफल तिनको, यौं नित चित्त न
ठानै । विषयोंदा० ॥ १ ॥ अनुपयोग उपयोग स्वरूपी,
तनचेतनको मानै । विषयोंदा० ॥ २ ॥ वरनादिक
रागादि भावतैं, भिन्नरूप तिन जानैं । विषयोंदा० ॥
॥ ३ ॥ स्वपर जान रुपराग हान, निजमें निज परनति
सानै । विषयोंदा० ॥ ४ ॥ अंतर वाहरको परिग्रह
तजि, दौल वसै शिवथानै । विषयोंदा० ॥ ५ ॥

६४.

और सबै जगद्वन्द मिटावो, लो लावो जिन आग-
मओरी । और० ॥ टेक ॥ है असार जगद्वंद्व वंधकर,
यह कछु गरज न सारत तोरी । कर्मला चपलौं यौवन
सुरधनुं, स्वजन पथिकजन क्यों रति जोरी ॥ और०

१ शीघ्र ही । २ विषयोंका (पंजाबी) । ३ लक्ष्मी । ४ विजली ।
५ इन्द्रधनुष ।

॥ १ ॥ विषयकपाय दुखद दोनों भव, इनतैं तोर नेह-
की डोरी । परद्रव्यनको तू अपनावत, क्यों न तजै
ऐसी बुधि भोरी ॥ और० ॥ २ ॥ वीत जाय सागर-
थिति सुरकी, नरपरजायतनी अति थोरी । अवसर पाय
दौल अव चूको, फिर न मिलै मणि सागरवोरी ॥
और० ॥ ३ ॥

६५

और अवै न कुदेव सुहावैं, जिन थाके चरनन
रति जोरी । और० ॥ टेक ॥ कामकोहवश गहैं अशन
असि, अँक निशंक धरैं तिय गोरी । औरनके किम
भाव सुधारैं, आप कुभाव-भारधर-धोरी । और०
॥ १ ॥ तुम विनमोह अँकोहछोहविन, छके शांतरस
पीय कटोरी । तुम तज सेयँ अमेयँ भरी जो, जानत
हो विषदा सब मोरी । और० ॥ २ ॥ तुम तज तिनैं
भजै शठ जो सो, दाख न चाखत खात निमोरी । हे
जगतार उधार दौलको, निकट विकट भवजलँधि
हिलोरी ॥ और० ॥ ३ ॥

६६.

कवधों मिलैं मोहि श्रीगुरु मुनिवर, करि हैं भवद-
धि पारा हो । कवधों० ॥ टेरे ॥ भोगउदास जोग जिन

१ गोदमें । २ क्रोधक्षोभरहित । ३ सेवा । ४ अपरिमाण । ५ भवसमुद्रकी लहरें ।

लीनों, छांड़ि परिग्रहभारा हो । इंद्रिय दमन वमन मद
कीनो, विषय कषाय निवारण हो ॥ कवधों० ॥ १ ॥
कंचन काच बराबर जिनके, निंदक वंदक सारा हो ।
दुर्धर तप तपि सम्यक् निज घर, मनवचनकर धारा
हो ॥ कवधों० ॥ २ ॥ ग्रीषम गिरि हिम सरिताती-
रै, पावस तरुतर ठारा हो । करुणाभीन चीन त्रसथा-
वर, ईर्यापंथ समारा हो ॥ कवधों० ॥ ३ ॥ मार मार
त्रेत धार शील दृढ़, मोह महामल टारा हो । मास
छमास उपास वास वन, प्रासुक करत अहारा हो ॥
कवधों० ॥ ४ ॥ आरंतरौद्रलेश नहिं जिनके, धर्म
शुक्ल चित धारा हो । ध्यानारूढ़ गूढ़ निजआतम,
शुधउपयोग विचारा हो ॥ कवधों० ॥ ५ ॥ आप
तरहिं औरनको तारहिं, भवजलसिंधु अपारा हो । दौ-
लत ऐसे जैनजतिनको, नितप्रति थोक हमारा हो ॥
कवधों० ॥ ६ ॥

६७.

कुमति कुनारि नहीं है भली रे, सुमति नारि सुंदर
गुनवाली; कुमति० ॥ टेक ॥ वासों विरचि रचौ नित
यासों, जो पावो शिवधाम गली रे । वह कुवजा

१ एकसे । २ 'लीन' ऐसा भी पाठ है । ३ कामदेवको मारकर । ४ " धर
तप तपि समकित गहि निज चित, करि मनवचन सारा हो । मासमास उपवास
वासवन " ऐसा भी पाठ है । ५ आर्तध्यान । ६ रौद्रध्यान । ७ वर्मध्यान । ८
शुक्लध्यान ।

दुखदा यह राधा, वाधा टारन करन रली रे ॥ कुमति०
 ॥ १ ॥ ब्रह्म कारी परसौँ रति ठानत, मानत नाहिं न
 सीख भली रे । यह गोरी चिंदगुणसहचारिनि, रमत
 सदा स्वसमाधि-थली रे ॥ कुमति० ॥ २ ॥ वा सँग
 कुथल कुयोनि वस्यौ नित, तहाँ महादुख-बेल फली
 रे । या सँग रसिक भविनकी निजमें, परिनति दौल
 भई न चली रे ॥ कुमति० ॥ ३ ॥

६८.

गुरु कहत सीख इमि वार वार, विपसम विषयनको
 टार टार ॥ गुरु० ॥ टेक ॥ इन सेवत अनादि दुख
 पायौ, जनम मरन बहु धार धार । गुरु० ॥ १ ॥ कर्मा-
 श्रित वाधाजुत फांसी, बंध बढ़ावन द्वंदकार । गुरु० ॥
 ॥ २ ॥ ये न इंद्रिके तृप्तिहेतु जिमि, तिसँ न बुझायत
 क्षारवार । गुरु० ॥ ३ ॥ इनमें सुख कल्पना अबुधके,
 बुधजन मानत दुख प्रचार । गुरु० ॥ ४ ॥ इन तजि
 ज्ञानपियूप चख्यौ तिन, दौल लही भववार पार । गुरु० ॥ ५ ॥

६९.

घड़ि घड़ि पल पल छिन छिन निशदिन, प्रभुजीका
 सुमरन कर लै रे । घड़ि० ॥ टेक ॥ प्रभुसुमरेतैं पाप
 कटत हैं, जनममरनदुख हर लै रे । घड़ि घड़ि० ॥ १ ॥

१ ज्ञानगुणसहचारिणी । २ फिर चलायमान न हुई । ३ तृपा-प्यास ।
 ४ खारापानी ।

मनवचकाय लगाय चरन चित, ज्ञान हिये विच धर
 लै रे । घड़ि घड़ि० ॥ २ ॥ दौलतराम, धर्मनौका चढ़ि,
 भवसागरतैं तिर लै रे । घड़ि घड़ि० ॥ ३ ॥

७०.

चिन्मूरत दृग्धारीकी मोहि, रीति लगत है अटापटी ।
 चिन्मू० ॥ टेक ॥ बाहिर नारकिकृत दुख भोगै, अंतर
 सुखरस गटागटी । रमत अनेक सुरनि सँग पै तिस,
 परनतितैं नित हटाहटी ॥ चिन्मू० ॥ १ ॥ ज्ञानविरा-
 गशक्तितैं विधिफलैं, भोगत पै विधि घटाघटी । सदन-
 निवासी तदपि उदासी, तातैं आस्रव छटाछटी ॥
 चिन्मू० ॥ २ ॥ जे भवहेतु अबुधके ते तस, करत
 बन्धकी झटाझटी । नारक पशु तिय पंढें विकलत्रय,
 प्रकृतिनकी ह्वै कटाकटी ॥ चिन्मू० ॥ ३ ॥ संयम धर
 न सकै पै संयम, धारनकी उर चटाचटी । तासु सुयश-
 गुनकी दौलतके, लगी रहै नित रटारटी ॥ चिन्मू० ॥ ४ ॥

७१.

चेतन यह बुधि कौन सयानी, कही सुगुरु हित-
 सीख न मानी ॥ टेक ॥ कठिन काकँताली ज्यों पायौ,
 नरभव सुकुल श्रवण जिनवानी । चेतन० ॥ १ ॥ भूमि

१ अटपटी । २ दूरपना । ३ कर्मफल । ४ न्यूनपना । ५ नपुंसक । ६ का-
 कतालीय न्यायसे अर्थात् जैसे ताड़वृक्षसे ताड़फलका दृटना और कागका
 उसे आकाशमें ही पा लेना कठिन है वैसे ।

न होत चादनीकी ज्यों, सौं नहिं धनी ज्ञेयको ज्ञानी ।
 वस्तुरूप यौं तू यौं ही शठ, हटकर पकरत सौंज
 विरानी ॥ चेतन० ॥ २ ॥ ज्ञानी होय अज्ञान राग-
 रूप,—कर निज सहज खच्छता हानी । इन्द्रिय जड़
 तिन विषय अचेतन, तहां अनिष्ट इष्टता ठानी ॥ चेतन०
 ॥ ३ ॥ चाहै सुख, दुख ही अवगाहै, अत्र सुनि विधि
 जो है सुखदानी । दौल आपकरि आप आपमें, ध्याय
 लाय लय समरससानी ॥ चेतन० ॥ ४ ॥

७२.

चेतन कौन अनीति गही रे, न मानै सुगुरु कही
 रे । चेतन० ॥ जिन विषयनवश बहु दुख पायौ, तिन-
 साँ प्रीति ठही रे । चेतन० ॥ १ ॥ चिन्मय ह्वै देहादि
 जड़नसाँ, तो मति पागि रही रे । सम्यग्दर्शनज्ञान भाव
 निज, तिनको गहत नहीं रे ॥ चेतन० ॥ २ ॥ जिन-
 वृष पाय विहाय रागरूप, निजहित हेत यही रे । दौलत
 जिन यह सीख धरी उर, तिन शिव सहज लही रे ॥
 चेतन० ॥ ३ ॥

७३.

चेतन तैं यौं ही भ्रम ठान्यो, ज्यों मृग मृगतृष्णा
 जल जान्यो । चेतन० ॥ टेक ॥ ज्यों निशितममें निरख

१ ' निजमुघामुघचि गहि ' ऐसा भी पाठ है ।

जेवरी, भुजग मान नर भय उर आन्यो । चेतन० ॥ १ ॥
 ज्यौं कुध्यान वश महिष मान निज, फँसि नर उरमाहीं
 अकुलान्यो । त्यों चिर मोह अविद्या पेखो, तेरो तैं ही
 रूप भुलान्यो ॥ चेतन० ॥ २ ॥ तोय तेल ज्यौं मेल
 न तनको, उपज खपजमें सुखदुख मान्यो । पुनि पर-
 भावनको करता है, तैं तिनको निज कर्म पिछान्यो ॥
 चेतन० ॥ ३ ॥ नरभव सुथल सुकुल जिनवानी, काल-
 लब्धिवल योग मिलान्यो । दौल सहज भज उदासीन-
 ता, तोप-रोष दुखकोष जु भैान्यो ॥ चेतन० ॥ ४ ॥

७४.

।चेतन अब धरि सहजसमाधि, जातैं यह विनशै
 भवव्याधि । चेतन० ॥ टेक ॥ मोह ठगौरी खायके
 रे, परको आपा जान । भूल निजातम ऋद्धिको तैं,
 पाये दुःख महान ॥ चेतन० ॥ १ ॥ सादि अनादि
 निगोद दोयमें, पेखो कर्मवश जाय । श्वासउसासमँझार
 तहां भव, सरन अठारह थाय ॥ चेतन० ॥ २ ॥ का-
 लअनंत तहाँ यौं वीत्यो, जब भइ मंद कषाय । भू जल
 अनिल अनल पुन तरु है, काल असंख्य गमाय ॥ चे-
 तन० ॥ ३ ॥ क्रमक्रम निकसि कठिन तैं पाई, शंखा-
 दिक परजाय । जल थल खचर होय अघ ठाने, तस

वश श्रुंभ्र लहाय ॥ चेतन० ॥ ४ ॥ तित सागरलों बहु
 दुख पाये, निकस कवहुं नर थाय । गर्भ जन्मशिशु
 तरुणवृद्धदुख, सहे कहे नहिं जाय । चेतन० ॥ ५ ॥
 कवहुं किंचित पुण्यपाकतै चउविधि देव कहाय ।
 विषयआश मन त्रास लही तहँ, मरनसमय विललाय ॥
 चेतन० ॥ ६ ॥ यौ अपार भवखारवारमें, भ्रम्यो अनंते
 काल । दौलत अव निजभाव-नाव चढ़ि, लै भवाब्धिकी
 पाल ॥ चेतन० ॥ ७ ॥

७५.

जिन रागदोपत्यागा वह सतगुरु हमारा । जिन रा-
 ग० ॥ टेक ॥ तज राजरिद्ध तृणवत निज काज सँभारा ।
 जिन राग० ॥ १ ॥ रहता है वह वनखंडमे, धरि ध्यान
 कुठारा । जिन मोह महा तरुको, जड़मूल उखारा ॥
 जिन राग० ॥ २ ॥ सर्वांग तज परिग्रह, दिगअंवर
 धारा । अनंतज्ञानगुनसमुद्र, चारित्र भँडारा ॥ जिन रा-
 ग० ॥ ३ ॥ शुक्लाग्निको प्रजालके वसु कानन जारा ।
 ऐसे गुरुको दौल है, नमोऽस्तु हमारा ॥ जिनराग० ॥ ४ ॥

७६.

चिदरायगुन मुनो सुनो. प्रशस्त गुरुगिरा । समस्त
 तज विभाव, हो स्वकीयमें थिरा । चिद० ॥ टेक ॥

१ नरक । २ वह पद दौलतरामजीका नहीं मालूम होता, इसका पाठ भी
 नटवड है ।

निजभावके लखाव विन, भवाब्धिमें परा । जामन मरन
जरा त्रिदोष, अग्निमें जरा ॥ चिद० ॥ १ ॥ फिर सादि
औ अनादि दो, निगोदमें परा । तहँ अंकके असंख्य-
भाग, ज्ञान ऊवरा ॥ चिद० ॥ २ ॥ तहां भव अंतर
सुहूर्तके, कहे गनेश्वरा । छयासठ सहस त्रिशत छतीस,
जन्म धर मरा ॥ चिद० ॥ ३ ॥ यौं वशि अनंतकाल
फिर, तहांतैं नीसरा । भूजल अनिल अनल प्रतेक,
तरुमें तन धरा ॥ चिद० ॥ ४ ॥ अनुंधरीसु कुंधु काण-
मच्छ अवतरा । जल थल खचर कुनर नरक, असुर उप-
ज मरा ॥ चिद० ॥ ५ ॥ अबके सुथल सुकुल सुसंग,
बोध लहि खरा । दौलत त्रिरत्न साध लाध, पद अनु-
त्तरा ॥ चिद० ॥ ६ ॥

७७.

चित चिंतकैं चिदेशं कव, अशेषं परं वमूं । दुखदा
अपार विधिं दुर्चार, —की चमूं दमूं ॥ चित चिं० ॥
टेक ॥ तजि पुण्यपाप थाप आप, आर्षमें रमूं । कव
राग-आग शर्म-वाग, दागनी शमूं ॥ चित चिंतकैं०
॥ १ ॥ ईगज्ञानभानतैं मिथ्या, अज्ञानतम दमूं । कव

१ आत्मा । २ सम्पूर्ण । ३ परपदार्थ । ४ वमन कर दूं-छोड़ दूं । ५ कर्म ।
६ दो चार अर्थात् आठ । ७ फौज । ८ आत्माने । ९ रमण करू । १० कल्या-
णरूप वागकी जलानेवाली । ११ शसन करूं, शात करू । १२ सम्भग दर्शन
और ज्ञानरूपी सूर्यसे ।

सर्व जीव प्राणिभूत, सत्त्वसौं छमूं ॥ चित चिंतकैं०
 ॥ २ ॥ जल मल्ललित्त-कैल सुंकल-, सुवल्ल परिनमूं ।
 दलके त्रिशल्लमल्लं कव, अटल्लपर्द पमूं ॥ चित चिंतकैं०
 ॥ ३ ॥ कव ध्याय अज अमरको फिर न, भवविपिन
 अमूं । जिन पूर कौल्ल दौलको यह, हेतु हौं नमूं ॥
 चित चिंतकैं० ॥ ४ ॥

७८.

जिन छवि लखत यह बुधि भयी । जिन० ॥ टेक ॥
 मैं न देह चिदंकमय तन, जड फरसरसमयी । जिनछ-
 वि० ॥ १ ॥ अशुभशुभफल कर्म दुखसुख, पृथकता
 सब गयी । रागदोषविभावचालित, ज्ञानता थिर थयी ॥
 जिनछवि० ॥ २ ॥ परिगहन आकुलता दहन, विनशि
 गमता लयी । दौल पूरवअलभ आनंद, लखो भवथिति
 जयी ॥ जिन० ॥ ३ ॥

७९.

जिनवैन सुनत, मोरी भूल भगी । जिनवैन० ॥ टेक ॥
 कर्मस्वभाव भाव चेतनको, भिन्न पिछानन सुमति
 जगी । जिन० ॥ १ ॥ जिन अनुभूति सहज ज्ञायकता,
 सो चिर रूप-तुप-मैल-पगी । स्यादवाद-धुनि-निर्मल-

१ दशप्राणमयी । २ जड । ३ शरीर । ४ शुक्रध्यानके बलसे । ५ माया,
 सिध्यात, निदानरूप तीन शल्यरूपी पहलवानोको । ६ मोक्षपद । ७ प्रतिज्ञा ।
 ८ पूर्वमें जिसका लाम नहीं हुआ ऐसा ।

जलतैं, विमल भई समभाव लगी ॥ जिन० ॥ २ ॥
 संशयमोहभरमता विघटी, प्रगटी आतमसौंज सगी ।
 दौल अपूरव मंगल पायो, शिवसुख लेन होंस उमगी ॥
 जिन० ॥ ३ ॥

८०.

जिनवानी जान सुजान रे । जिनवानी० ॥ टेक ॥
 लाग रही चिरतैं विभावता, ताको कर अवसान रे ।
 जिनवानी० ॥ १ ॥ द्रव्यक्षेत्र अरु कालभावकी, कथ-
 नीको पहिचान रे । जाहि पिछाने खपरभेद सब, जाने
 परत निदान रे । जिनवानी० ॥ २ ॥ पूरव जिन
 जानी तिनहीने, भानी संसृतवान रे । अब जानैं अरु
 जानैंगे जे, ते पावैं शिवथान रे ॥ जिनवानी० ॥ ३ ॥
 कह 'तुपमाप' मुनी शिवभूती, पायो केवल-ज्ञान रे ।
 यौं लखि दौलत सतत करो भवि, चिद्वचनामृतपान
 रे ॥ जिनवानी० ॥ ४ ॥

८१.

जम आन अचानक दावैगा । जम आन० ॥ टेक ॥
 छिनछिन कटत घटत थितैं ज्यौं जल, अंजुलिको झर
 जावैगा । जम आन० ॥ १ ॥ जैन्म तालतरुतैं पर

१ निजपरणति । २ नाश की । ३ भ्रमणकी आदत । ४ आयु । ५ जन्मरूपी
 ताडवृक्षसे पड़ करके जीवरूपी फल बीचमें कबतक रहेगा ? वह तो नीचे
 पड़ेगा ही, अर्थात् मरेगा ही ।

जियफल, कौलंग वीच रहावैगा । क्यों न विचार करै
 नर आखिर, मरन महीमे आवैगा ॥ जम आन० ॥२॥
 सोवत मृत जागत जीवत ही, श्वासा जो थिर थावैगा ।
 जैसें कोऊ छिपै सदासौं, कवहुं अवशि पलावैगा ॥
 जम आन० ॥ ३ ॥ कहुं कवहुं कैसें हू कोऊ, अंतकैसे
 न वचावैगा । सम्यकज्ञानपियूष पियेसौं, दौल अमरपद
 पावैगा ॥ जम आन० ॥ ४ ॥

८२.

छांडत क्यों नहिंरे, हे नर ! रीति अयानी । वार-
 वार सिख देत सुगुरु यह, तू दे आनाकानी ॥ छांड-
 त० ॥ टेक ॥ विषय न तजत न भजत बोध व्रत,
 दुखसुखजाति न जानी । शर्म चहै न लहै शठ ज्यों
 घृतहेत विलोवत पानी ॥ छांडत० ॥ १ ॥ तन धन
 सदन खजनजन तुझसौं, ये परजाय विरानी । इन
 परिनमनविनशउपजन सो, तैं दुख सुखकर मानी ॥
 छांडत० ॥ २ ॥ इस अज्ञानतैं चिरदुख पाये, तिनकी
 अकथ कहानी । ताको तज दृग-ज्ञान-चरन भज,
 निजपरनति शिवदानी ॥ छांडत० ॥ ३ ॥ यह दुर्लभ
 नरभव सुसंग लहि, तत्त्व-लखावन वानी । दौल न कर
 अब परमें ममता, धर समता सुखदानी ॥ छांडत० ॥४॥

८३.

राचि रह्यो परमाहिं तू अपनो रूप न जानै रे ।
 राचि रह्यो० टेक ॥ अविचल चिनमूरत विनमूरत,
 सुखी होत तस ठानै रे । राचि रह्यो० ॥ १ ॥ तन
 धन भ्रात तात सुत जननी, तू इनको निज जानै रे ।
 ये पर इनहिं वियोगयोगमें, यौं ही सुख दुख मानै रे ॥
 राचि० ॥ २ ॥ चाह न पाये पाये तृष्णा, सेवत ज्ञान
 जघानै रे ॥ विपतिखेत विधिवंधहेत पै, जान विषय
 रस खानै रे ॥ राचि० ॥ ३ ॥ नरभव जिनश्रुतश्रवण
 पाय अव, कर निज सुहित सयानै रे । दौलत आतम-
 ज्ञान-सुधारस, पीवो सुगुरु वखानै रे ॥ राचि रह्यो० ॥४॥

८४.

तू काहेको करत रति तनमें, यह अहितमूल जिम
 कारासदन । तू काहेको० ॥ टेक ॥ चैरमपिहित पैल-
 रुधिर-लिप्त मल,-द्वारस्रवै छिनछिनमें । तू काहेको०
 ॥ १ ॥ आयु-निगड़फंसि विपति भरै सो, क्यों न
 चितारत मनमें । तू काहेको० ॥ २ ॥ सुचरन लाग
 त्याग अव थाको; जो न भ्रमै भववनमें । तू काहेको०
 ॥ ३ ॥ दौल देहसौं नेह देहको,-हेतु कब्यौ ग्रंथनमें ।
 तू काहेको० ॥ ४ ॥

१ कारागार जहलखाना । २ चमड़ेसे ढकी हुई । ३ मास । ४ आयुरूपी
 वेदियोंमें ।

८५.

धन धन साधर्मांजन मिलनकी घरी, वरसत भ्रम-
तापहरन ज्ञानघनझरी ॥ टेक ॥ जाके विन पाये भव-
विपति अति भरी । निजपरहित अहितकी कछू न सुध
परी ॥ धन० ॥ १ ॥ जाके परभाव चित्त सुथिरता
करी । संशय भ्रम मोहकी सु वासना टरी ॥ धन०
॥ २ ॥ मिथ्यागुरुदेवसेव देव परिहरी । वीतरागदेव
सुगुरुसेव उरघरी ॥ धन० ॥ ३ ॥ चारों अनुयोग
सुहितदेश दिठपरी । शिवमगके लाहकी सुचाह विस्त-
री ॥ धन० ॥ ४ ॥ सम्यक् तरु धरनि येह करन-करि-
हरी । भवजलको तरनिसमर-भुजग-विपजरी ॥ धन०
॥ ५ ॥ पूरवभव या प्रसाद रमनि शिव वरी । सेवो
अव दौल याहि वात यह खरी ॥ धन० ॥ ६ ॥

८६.

धनि मुनि जिनकी, लगी लौ शिवओरनै । धनि
॥ टेक ॥ सम्यग्दर्शनज्ञानचरन-निधि, धरत हरत भ्रम-
चोरनै । धनि० ॥ १ ॥ यथार्जातमुद्राजुत सुंदर, सदन
धिजन गिरिकोरनै । तृन कंचन अरि खजन गिनत

१ हितोपदेश । २ लामकी । ३ इन्द्रियरूपी हाथियोंको सिंहके समान ।
४ जहाज । ५ कामदेवरूपी सर्पके लिये विपनाशक जड़ी । ६ लगन । ७ 'नै'
विभक्ति सब जगह 'को' के अर्थमें है । ८ नम्र दिगम्बर । ९ निर्जन ।

सम, निंदन और निहोरनै । धनि० ॥ २ ॥ भवसुख-
चाह सकल तजि बल सजि, करत द्विविध तप घोरनै ॥
परमविरागभाव पैवितै नित, चूरत करम कठोरनै ॥
धनि० ॥ ३ ॥ छीन शरीर न हीन चिदानन, मोहत
मोहझकोरनै । जग-तप-हर भँवि-कुमुद-निशाकर मोदन
दौल चकोरनै ॥ धनि० ॥ ४ ॥

८७.

धनि मुनि जिन यह, भाव पिछाना । धनि० ॥
टेक ॥ तनव्यय वांछित प्रापति मानी, पुण्यउदय दुख
जाना । धनि० ॥ १ ॥ एकविहारि सकल ईश्वरता,
त्याग महोत्सव माना । सब सुखको परिहार सार सुख,
जानि रागरुष भाना ॥ धनि० ॥ २ ॥ चित्स्वभावको
चित्त प्रान निज, विमल-ज्ञानदृगसाना । दौल कौन
सुख जान लह्यो तिन, करो शांतिरसपाना ॥ धनि० ॥ ३ ॥

८८.

धनि मुनि निज आतमहित कीना । भव असार
तन अशुचि विषय विष, जान महाव्रत लीना ॥ धनि
मुनि जिन आतमहित० ॥ टेक ॥ एकाविहारी परि-
गह छारीपरिसह सहत अरीना । पूरव तन तपसाधन
मान न, लाज गनी परवीना ॥ धनि मुनि० ॥ १ ॥

१ प्रार्थना करनेको । २ वज्रसे । ३ भव्यरूपी कुमोदनीको चन्द्रमा ।
४ ऐश्वर्य । ५ सम्यग्ज्ञान, सम्यग्दर्शनसहित ।

शून्य सदन गिर गहन गुफामें, पदमासन आसीना ।
परभावनतैं भिन्न आपपद, ध्यावत मोहविहीना ॥ धनि
मुनि० ॥ २ ॥ स्वपरभेद जिनकी बुधि निजमें, पागी
वाह्य लगीना । दौल तास पदवारिजैरजने, किसँ अँघ
करे न छीना ॥ धन मुनि० ॥ ३ ॥

८९.

निपट अयाना, तैं आपा न जाना, नाहक भरम
भुलाना वे । निपट० ॥ टेक ॥ पीय जनादि मोहमद
मोह्यो, परपदमें निज माना वे । निपट० ॥ १ ॥ चेतन
चिह्न भिन्न जड़तासों, ज्ञानदरगरस-साना वे । तनमें
छिप्यो लिप्यो न तदपि ज्यौं, जलमें कँजदल माना
वे ॥ निपट० ॥ २ ॥ सकलभाव निज निज परनतिमय,
कोइ न होय विराना वे । तू दुखिया परकृत्य मानि
ज्यौं, नभताड़न-श्रम ठाना वे ॥ निपट० ॥ ३ ॥ अर्ज-
गनमें हँरि भूल अपनपो, भयो दीन हैराना वे । दौल
सुगुरुधुनि मुनि निजमें निज, पाय लह्यो सुखथाना
वे ॥ निपट० ॥ ४ ॥

९०.

निजहितकारज करना भाई! निजहित कारज
करना ॥ टेक ॥ जनममरनदुख पावत जातैं, सो

१ चरणरूपी कमलौकी धूडिने । २ तिसके । ३ पाप । ४ कमल्पत्र ।
५ आकाशको पीटने जैसा । ६ बकरौं । ७ सिंह ।

विधिवंधं कतरना । निज० ॥ १ ॥ ज्ञानदरस अरु राग
 फरस रस, निजपरचिह्न भ्रमरना । संधिभेद बुधिलै-
 नीतैं कर, निज गहि पर परिहरना ॥ निजहित० ॥ २ ॥
 परिग्रही अपराधी शंकै, त्यागी अभय विचरना । ल्यौं
 परचाह बंध दुखदायक, त्यागत सब सुख भरना ॥
 निजहित० ॥ ३ ॥ जो भवभ्रमन न चाहे तो अव,
 सुगुरुसीख उर धरना । दौलत स्वरस सुधारस चाखो,
 ज्यौं विनसै भवमरना ॥ निजहित० ॥ ४ ॥

९१.

मनवचतन करि शुद्ध भजो जिन, दौव भला पाया ।
 अवसर फेर मिलै नहिं ऐसा, यौं सतगुरु गाया ॥ मन-
 वच० ॥ टेक ॥ बस्यो अनादिनिगोद निकसि फिर,
 थावर देह धरी । काल असंख्य अकाज गमायो, नेकु
 न समुझि परी ॥ मनवच० ॥ १ ॥ चिंतामनि दुर्लभ
 लहिये ज्यौं, त्रसपरजाय लहीं । लट पिपील अलिआदि
 जन्ममें, लह्यो न ज्ञान कहीं ॥ मनवच० ॥ २ ॥ पंच-
 द्रिय पशु भयो कष्टतैं, तहाँ न बोध लह्यो । स्वपरवि-
 चेकरहित विन संयम, निशदिन भार वह्यो ॥ मनवच०
 ॥ ३ ॥ चौपथ चलत रतन लहिये ज्यौं, मनुषदेह
 पाई । सुकुल जैनवृष सतसंगति यह, अतिदुर्लभ भाई ॥

१ कर्मबन्ध । २ बुद्धिरूपी छैनीसे निज और परका संधिभेद करना ।
 ३ परिग्रहका वारी तथा परकी वस्तु ग्रहणकरनेवाला चोर । ४ मौका ।

मनवच० ॥ ४ ॥ यौ दुर्लभ नरदेह कुंधी जे, विषयन-
सँग खोवैं । ते नर मूढ अजान सुधारस, पाय पांव
धोवैं ॥ मनवच० ॥ ५ ॥ दुर्लभ नरभव पाय सुधी जे,
जैनधर्म सेवैं । दौलत ते अनंत अविनागी, सुख शिवका
वेवैं ॥ मनवचतन करि० ॥ ६ ॥

९२.

मोहिड़ा रे. जिय ! हितकारी न सीख सम्हारै ।
भवचनभ्रमत दुखी लखि याको, सुगुरु दयालु उचारै ॥
मोहि० ॥ टेक ॥ विषय भुजंगम संग न छोड़त, जो
अनंतभव मारै । ज्ञान विराग पियूष न पीवत, जो
भवव्याधि त्रिड़ारै ॥ मोहि० ॥ १ ॥ जाके संग दुरैं
अपने गुन, शिवपद अंतर पारै । ता तनको अपनाय
आय चिन, मूरतको न निहारै ॥ मोहि० ॥ २ ॥ सुत
दारा धन काज साज अघ, आपन काज विगारै । करत
आपको अहित आपकर, ले कृपान जैल दारै ॥ मोहि०
॥ ३ ॥ सही निगोद नरककी वेदन, वे दिन नाहिं
चितारै । दौल गई सो गई अब हू नर, धर दृग-चरन
सम्हारै ॥ मोहिड़ा० ॥ ४ ॥

९३.

मेरे कव ह्वै वा दिनकी सुधरी । मेरे० ॥ टेक ॥
तन विनवसन असनचिन वनमें, निवसों नासादृष्टि

१ मूखे । २ जानै अनुभव करै । ३ तलवार लेकर जलको काटता हूँ ।

धरी । मेरे० ॥ १ ॥ पुण्यपापपरसौँ कव विरचौँ, परचौँ
 निजनिधि चिर-विसरी । तज उपाधि सजि सहजस-
 माधी, सहौँ धाम-हिम-मेघझरी ॥ मेरे० ॥ २ ॥ कव
 थिरजोग धरौँ ऐसो मोहि, उँपल जान मृग खाज
 हरी । ध्यान-कमान तान अनुभव-शर, छेदौँ किहि दिन
 मोह अरी ॥ मेरे० ॥ ३ ॥ कव तृनकंचन एक गनों
 अरु, मनिजडिँतालय शैलदरी । दौलत सतगुरुचरनसेव
 जो, पुरवो आश यहै हमरी ॥ मेरे० ॥ ४ ॥

९४.

लाल कैसे जावोगे, असरनसरन कृपाल । लाल० ॥
 ॥ टेक ॥ इक दिन सरस वसंतसमयमें, केशवकी सब
 नारी । प्रभुप्रदच्छनारूप खड़ी है, कहत नेमिपर वारी ।
 लाल० ॥ १ ॥ कुंकुम लै मुख मलत रुकमनी, रँग
 छिरकत गांधारी । सतभामा प्रभुओर जोर कर, छोरत
 है पिचकारी ॥ लाल० ॥ २ ॥ व्याह कबूल करो तौ
 छूटौ, इतनी अरज हमारी । ओँकार कहकर प्रभु मुलके,
 छाँड़ दिये जगतारी ॥ लाल० ॥ ३ ॥ पुलकितवदन
 मदनपितु-भामिनि, निज निज सदन सिधारी ।

१ धूप-शीत-वर्षा । २ पत्थर । ३ अनुभवरूपी वाण । ४ रत्नजडित महल ।
 ५ पर्वतकी कंदरा । ६ स्त्रीकार । ७ मगनप्रति-ऐसा भी पाठ है । मदनपितु-
 भामिनि-मदन अर्थात् प्रद्युम्न कामदेवके पिता श्रीकृष्णकी स्त्रियें ।

दौलत जादववंशव्योमशशि, जयो जगतहितकारी ॥
लाल० ॥ ४ ॥

९५.

शिवपुरकी डंगर समरससौं भरी, सो विषयविरस-
रचि चिरविसरी । शिव० ॥ टेक ॥ सम्यकदरश-बोध-
त्रतमय भव, -दुखदावानल-मेघझरी । शिवपुर० ॥ १ ॥
ताहि न पाय तपाय देह बहु, जनममरन करि विपति
भरी । काल पाय जिनधुनि सुनि मैं जन, ताहि लहूं
सोइ धन्य घरी ॥ शिव० ॥ २ ॥ ते जन धनि या
माहिं चरत नित, तिन कीरति सुरपति उचरी । विप-
यचाह भवराह त्याग अब, दौल हरो रजरहसिअरी ॥
शिवपुर० ॥ ३ ॥

९६.

तोहि समझायो सौ सौ वार, जिया तोहि समझा-
यो० ॥ टेक ॥ देख सुगुरुकी परहितमें रति, हितउप-
देश सुनायो । सौ सौ वार० ॥ १ ॥ विषयभुजंग सेय
सुख पायो, पुनि तिनसौं लपटायो । स्वपदविसार रच्यौ
परपदमें, मंदरत ज्यौं बोरायो । सौ सौ वार० ॥ २ ॥
तन धन स्वजन नहीं हैं तेरे; नाहक नेह लगायो । क्यौं

१ 'जादववंशव्योमशशि' ऐसा भी पाठ है । जदुवशरूपी आकाशके चन्द्रमा
नेलिनाथ भगवान् । २ मार्ग । ३ चारघातिया कर्म । ४ शरवी-मद्यप ।

न तजै भ्रम चाख संभामृत, जो नित संतसुहायो ॥
सौ सौ वार० ॥ ३ ॥ अब हू समझ कठिन यह नरभव,
जिन वृष बिना गमायो । ते विलखैं मनि डार उदधि-
में, दौलत को पछतायो ॥ सौ सौ० ॥ ४ ॥

९७.

न मानत यह जिय निपट अनारी । सिख देत
सुगुरु हितकारी ॥ न मानत० ॥ टेक ॥ कुमतिकुना-
रि संग रति मानत, सुमतिसुनारि विसारी । न मानत०
॥ १ ॥ नरपरजाय सुरेश चहैं सो, चखि विषविषय
विगारी । त्याग अनाकुल ज्ञान चाह पर, -आकुलता
विसतारी ॥ न मानत० ॥ २ ॥ अपनी भूल आप
समतानिधि, भवदुख भरत भिखारी । परद्रव्यनकी
परनतिको शठ, वृथा वनत करतारी ॥ न मानत०
॥ ३ ॥ जिस कषाय-द्वज जरत तहां अभि, -लाषछटा
घृत डारी । दुखसौं डरै करै दुखकारन, -तैं नित प्रीति
करारी ॥ न मानत० ॥ ४ ॥ अतिदुर्लभ जिनवैन श्रव-
नकरि, संशयमोह निवारी । दौल खपर-हित-अहित
जानके, होवहु शिवमगचारी ॥ न मानत० ॥ ५ ॥

९८

हम तो कवहूं न हित उपजाये । सुकुल-सुदेव-सुगु-

१ समता रूपी अमृत । २ जिन्होने । ३ धर्म । ४ पुद्गलसम्बन्धी ।
५ कर्ता । ६ गाढ़ी ।

रु-सुसंगहित, कारन पाय गमाये । हम तो० ॥ टेक ॥
 ज्यों शिशु नाचत, आप न माँचत, लखनहार वौराये ।
 त्यों श्रुत वाँचत आप न राचत, औरनको समुझाये ॥
 हम तो० ॥ १ ॥ सुजस-लौहकी चाह न तज निज,
 प्रभुता लखि हरखाये । विषय तजे न रँजे निजपदमें,
 परपद अपद लुभाये ॥ हम तो० ॥ २ ॥ पापत्याग
 जिन-जाप न कीन्हौं, सुमनचाप-तप-ताये । चेतन
 तनको कहत भिन्न पर, देह सनेही थाये । हम तो०
 ॥ ३ ॥ यह चिर भूल भई हमरी अब, कहा होत
 पछताये । दौल अजौं भवभोग रचौ मत, यौं गुरु वचन
 सुनाये ॥ हम तो० ॥ ४ ॥

६९.

हम तो कवहूँ न निजगुन भाये । तन निज मान
 जान तनदुखसुख, में विलखे हरखाये । हम तो० ॥
 टेक ॥ तनको गरन मरन लखि तनको, धरन मान
 हमें जाये । या भ्रम भौर परे भवजल चिर, चहुंगति
 विपत्त लहाये ॥ हम तो० ॥ १ ॥ दरशबोधव्रतसुधा
 न चाख्यौ, विविध विषय-विष खाये । सुगुरु दयाल
 सीख दइ पुनि पुनि, सुनि सुनि उर नहिं लाये ॥ हम

१ मन होते । २ शाल पट्टे । ३ सुयशके लामकी । ४ रचे-मन हुए ।
 ५ जिनदेवका जपन । ६ सुमनचाप क्यार्थात् कामदेवकी तपनमें तप्त ।
 ७ भावना की । ८ उत्पन्न हुए ।

तो० ॥ २ ॥ बहिरातमता तजी न अन्तर,-दृष्टि न है
निज ध्याये । धाम-काम-धन-रामाकी नित, आश-
हुताश-जलाये ॥ हम तो० ॥ ३ ॥ अचल अनूप शुद्ध
चिद्रूपी, सब सुखमय मुनि गाये । दौल चिदानन्द
स्वगुन मगन जे, ते जिय सुखिया थाये ॥ हम तो० ॥ ४ ॥

१००.

हम तो कवहूँ न निज घर आये । परघर फिरत
बहुत दिन वीते, नाम अनेक धराये ॥ हम तो० ॥
टेक ॥ परपद निजपद सानि मगन है, परपरनति
लपटाये । शुद्ध बुद्ध सुखकंद मनोहर, चेतनभाव न
भाये ॥ हम तो० ॥ १ ॥ नर पशु देव नरक निज
जान्यौ, परजय-बुद्धि लहाये । अमल अखंड अतुल
अविनाशी, आत्मगुन नहिं गाये ॥ हम तो० ॥ २ ॥
यह बहु भूल भई हमरी फिर, कहा काज पछताये ।
दौल तजौ अजहूँ विषयनको, सतगुरु वचन सुनाये ॥
हम तो० ॥ ३ ॥

१०१.

मानत क्यों नहिं रे, हे नर सीख सयानी । भयौ
अचेत मोह-मद पीके, अपनी सुधि विसरानी ॥ टेक ॥
दुखी अनादि कुर्वोध अवृत्ततैं, फिर तिनसौं रति ठानी ।

ज्ञानसुधा निजभाव न चाख्यौ, परपरजतिमति सानी ॥
 मानत० ॥ १ ॥ भव अमारता लखै न क्यों जहँ, नृप
 है कुंमि चिटै-थानी । सधन निधन नृप दास खजन
 रिपु, दुखिया हरिसै प्रानी ॥ मानत० ॥ २ ॥ देह
 एह गेद-गेह नेह इस, है बहु विपति-निशानी । जड़
 मलीन छिनछीन करमकृत, बंधन शिवसुखहानी ॥
 मानत० ॥ ३ ॥ चाहज्वलन ईधन-विधि-वन-धन,
 आकुलता कुलखानी । ज्ञान-सुधा-सर-गोपनरवि ये,
 विषय अमित मृतुदानी ॥ मानत० ॥ ४ ॥ यौं लखि
 भव-तन-भोग-विरचिकरि, निजहित सुन जिनवानी ।
 तज रूपराग दौल अत्र अवसर, यह जिनचंद्र बखानी ॥
 मानत० ॥ ५ ॥

१०२.

जानत क्यों नहिं रे, हे नर आत्मजानी । जानत०
 ॥ टेक ॥ रागदोष पुद्गलकी संपति, निहचै शुद्धनिशा-
 नी । जानत० ॥ १ ॥ जाय नरकपशुनरमुरगतिमें, यह
 परजाय विरानी । निद्वलरूप सदा अविनाशी, मानत
 विरले प्रानी ॥ जानत० ॥ २ ॥ क्रियौ न काहू हरै न
 कोई, गुरु-शिख कौन कहानी । जनमभरनमलरहित

१ श्रेष्ठ । २ विद्यके स्थानमें । ३ कृष्णानारायण स्मरिहैं । ४ गेगका धर ।
 ५ चन्दु ।

विमल है, कीचविना जिमि पानी ॥ जानत० ॥ ३ ॥
 सार पदारथ है तिहुँजगमें, नहिं क्रोधी नहिं मानी ।
 दौलत सो घटमाहिं विराजै, लखि हूजे शिवथानी ॥
 जानत० ॥ ४ ॥

१०३.

हे हितवाँछक प्रानी रे, कर यह रीति सयानी ।
 हे हित० ॥ टेक ॥ श्रीजिनचरन चितार धार गुन,
 परम विराग विज्ञानी । हे हित० ॥ १ ॥ हरन भयामय
 स्वपरदयामय, सरधौ वृष सुखदानी । दुविध उपाधि
 बाध शिवसाधक, सुगुरु भजौ गुणधानी ॥ हे० ॥ २ ॥
 मोह-तिमिर-हर मिहंर भजौ श्रुत, सात्पद जास नि-
 शानी । सप्ततत्त्व नव अर्थ विचारहु, जो वरनै जिन-
 वानी ॥ हे हित० ॥ ३ ॥ निजपर भिन्न पिछान मान
 पुनि, होहु आप सरधानी । जो इनको विशेष जानन
 सो, ज्ञायकता मुनि मानी ॥ हे हित० ॥ ४० ॥ फिर
 ब्रत समिति गुपति सजि, अरु तजि प्रवृत्ति शुभास्त्रव-
 दानी । शुद्ध स्वरूपाचरन लीन है, दौल वरौ शिवरानी ॥
 हे हित० ॥ ५ ॥

१०४.

हे नर, भ्रमनींद क्यों न, छाँड़त दुखदाई । सोवत

चिरकाल सोंज, आपनी ठगाई । हे नर० ॥ टेक ॥
 मूरख अघ कर्म कहा, भेदै नहिं मर्म लहा, लागै दुख-
 ज्वालकी न, देहकै तताई ॥ हे नर० ॥ १ ॥ जमके
 रव वाजते, सुभैरव अति गाजते, अनेक प्राण त्यागते,
 सुनै कहा न भाई ॥ हे नर० ॥ २ ॥ परको अपनाय
 आप, रूपको भुलाय हाय, करनविषय दारु जार,
 चाहदौ बढाई ॥ हे नर० ॥ ३ ॥ अब सुन जिनवान,
 राग द्वेषकौ जघान, मोक्षरूप निज पिछान दौल, भज
 विरागताई ॥ हे नर० ॥ ४ ॥

१०५.

प्रभु धारी आज महिमा जानी, प्रभु धारी० ॥ टेक ॥
 अवलौ मोह महामद पिय मैं, तुमरी सुधि विसरानी ।
 भाग जगे तुम शांति छवी लखि, जड़तानीद विलानी ॥
 प्रभु० ॥ १ ॥ जगविजयी दुखदाय रागरूप, तुम तिनकी
 थिति भानी । शान्तिसुधासागर गुन आगर, परमवि-
 राग विज्ञानी । प्रभु० ॥ २ ॥ समवसरन अतिशय
 कमलाजुत, पै निर्ग्रन्थ निदानी । क्रोधविना दुठ मोह-
 विदारक, त्रिभुवनपूज्य अमानी । प्रभु० ॥ ३ ॥ एक-
 स्वरूप सकलज्ञेयाकृत, जग-उदास जग-ज्ञानी । शत्रुमित्र
 सबमें तुम सम हो, जो दुखसुख फल थानी । प्रभु० ॥ ४ ॥

परम ब्रह्मचारी है प्यारी, तुम हेरी शिवरानी । है कृत-
कृत्य तदपि तुम शिवमग, उपदेशक अगवानी ॥ ५ ॥
भई कृपा तुमरी तुममेंतैं, भक्ति सु मुक्तिनिशानी । है
दयाल अब देहु दौलको, जो तुमने कृति ठानी ॥ ६ ॥

१०६.

तुम सुनियो श्रीजिननाथ, अरज इक मेरी जी ।
तुम० ॥ टेक ॥ तुम विन हेत जगत उपकारी, वसु
कर्मन मोहि कियो दुखारी, ज्ञानादिक निधि हरी
हमारी, द्यावौ सो मम फेरी जी ॥ तुम सुनि० ॥ १ ॥ मैं
निज भूलि तिनहि सँग लाग्यौ, तिन कृत करन-विष-
य-रस पाग्यौ, तातैं जन्म-जरा-दव-दाग्यौ, कर समता
सम नेरी (?) जी ॥ तुम सु० ॥ २ ॥ वे अनेक प्रभु मैं जु
अकेला, चहुँगति विपतिमाहिं मोहि पेला, भाग जगे
तुमसौं भयो भेला, तुम हो न्यावनिवेरी जी ॥ तुम
सु० ॥ ३ ॥ तुम दयाल बेहाल हमारो, जगतपाल
निज विरद समारो, ढील न कीजे वेग निवारो, दौल-
तनी भवफेरी जी ॥ तुम सु० ॥ ४ ॥

१०७.

अरे जिया, जग धोखेकी टाटी । अरे० ॥ टेक ॥
झूठा उद्यम लोक करत हैं, जिसमें निशदिन घाटी ।
अरे० ॥ १ ॥ जान बूझके अन्ध बने हैं, आंखन बांधी
पाटी । अरे० ॥ २ ॥ निकल जायंगे प्राण छिनकमें,

पड़ी रहैगी माटी । अरे० ॥ ३ ॥ दौलतराम समझ
मन अपने, दिलकी खोल कपाटी । अरे० ॥ ४ ॥

१०८.

जयं वीर जिनवीर जिनवीर जिनचंद, कलुषनिकंद
मुनिहृदसुखकंद । जय वीर० ॥ टेक ॥ सिद्धारथनंद
त्रिभुवनको दिनेन्दचन्द, जा वचकिरन भ्रम तिमिरनि-
कंद । जय वीर ॥ १ ॥ जाके पदअरविन्द सेवत सुरें-
द्रवृंद, जाके गुन रटत फटत भवफंद । जय वीर० ॥ २ ॥
जाकी शान्तिमुद्रा निरखत हरखत रिखि, जाके अनु-
भवत लहत चिदानन्द । जय वीर० ॥ ३ ॥ जाके
घातिकर्म विघटत प्रघटत भये, अनन्त दरस बोध-वी-
रज अनन्द । जय वीर० ॥ ४ ॥ लोकालोकज्ञाता पै
स्वभावरत राता प्रभु, जगको कुशलदाता त्राता पै
अद्वंद । जय वीर० ॥ ५ ॥ जाकी महिमा अपार गणी
न सके उचार, दौलत नमत सुख चहत अमंद ॥ जय
वीर० ॥ ६ ॥

जकड़ी १०९.

अव मन मेरा वे, सीखवचन सुन मेरा । भजि जिन-
वरपद वे, जो विनशै दुख तेरा ॥ विनशै दुख तेरा
भैववनकेरा, मनवचतन जिनचरन भजौ । पंचैकरन

१ इस मजनके प्रत्येक चरणके अन्तमें “है” लगानेसे इकतीसा कवित्त बन जाता है । २ संसाररूपी वनका । ३ पांच इन्द्रिया ।

वश राख सुज्ञानी, मिथ्यामतमग दौर तजौ ॥ मिथ्या-
 मतमगपगि अनादितैं, तैं चहुंगति कीन्हा फेरा । अब हू
 चेत अचेत होय मत, सीखवचन सुनि मन मेरा ॥१॥
 इस भववनमें वे, तैं साता नहिं पाई । वसुविधिवश है
 वे, तैं निज सुधि विसराई ॥ तैं निज सुधि विसराई भाई,
 तातैं विमल न बोध लहा । परपरनतिमें मगन भयौ तू,
 जन्मजरा-मृत-दाह दहा ॥ जिनमत सारसरोवरकूं अव,—
 गाहि लागि निजचिंतनमें । तौ दुखदाह नशै सब नातर,
 फेर बसै इस भववनमें ॥२॥ इस तनमें तू वे, क्या गुन
 देख लुभाया । महा अपावन वे, सतगुरु याहि बताया ॥
 सतगुरु याहि अपावन गाया, मलमूत्रादिकका गेहा ।
 कुमिकुल-कलित लखत घिन आवै, यासौं क्या कीजे
 नेहा ? ॥ यह तन पाय लगाय आपनी, परनति शिवमग-
 साधनमें । तो दुखदंद नशै सब तेरा, यही सार है इस
 तनमें ॥३॥ भोग भले न सही, रोगशोकके दानी । शुभ-
 गति रोकन वे, दुर्गतिपथअगवानी ॥ दुर्गतिपथअगवा-
 नी हैं जे, जिनकी लगन लगी इनसौं । तिन नानाविधि
 विपति सही है, विमुख भया निजसुख तिनसौं ॥
 कुंजर झैख अलि शैलभ हिरन इन, एकअक्षवशै मृत्यु

१ आठ कर्मोंके वश होकर । २ हाथी । ३ मछली । ४ मौंरा-अमर ।
 ५ पतंग । ६ एक एक इंद्रियके वशसे ।

लही । यातँ देख समझ मनमाहीं, भवमें भोग भले न
सही ॥ ४ ॥ काज सरै तव वे, जव निजपद आराधै ।
नशै भवावलि वे, निरावाध पद लाधै ॥ निरावाध पद
लाधै तव तोहि, केवल दर्शन ज्ञान जहाँ । सुख अनन्त
अतिइन्द्रियमंडित, वीरज अचल अनंत तहाँ ॥ २ ॥
ऐसा पद चाहै तौ भज निजै, बारवार अव को उचरै ।
दौल मुख्यँ उपचार रत्नत्रय, जो सेवै तो काज सरै ॥५॥

जकड़ी ११०.

वृषभादि जिनेश्वर ध्याऊं, शारद अंवा चित लाऊं ।
द्वैविध-परिग्रह-परिहारी, गुरु नमहुं स्वपरहितकारी ॥
हितकार तारक देव श्रुत गुरु, परख निज उर लाइये ।
दुखदाय कुपथविहाय शिवसुख, -दाय जिनवृष ध्याइये ॥
चिरतँ कुमग पगि मोहठगकरि, ठग्यौ भैव-कानन पख्यौ ।
ध्यालीसद्विक लख जौनिमें, जैरमरनजामन-दव जख्यौ
॥ १ ॥ जव मोहरिपु दीन्हौं घुमरिया, तसुवश निगो-
दमें परिया । तहाँ स्वास एकके माहीं, अष्टादश मरन
लहाहीं ॥ लहि मरन अन्तमुहूर्तमें, छयासठसहस शत-
तीन ही । पटतीस काल अनंत यौं दुख, सहे उपमा ही
नही ॥ कवहुं लही वर आयु छिति-जल, पवन-पावक-

१ भवोका समूह । २ “ जिन ” भी पाठ है । ३ निधयरत्नत्रय ।
४ व्यवहाररत्नत्रय । ५ ससाररूपी वन । ६ चौरासीलाख योनि । ७ वृद्धावस्था,
चतु, और जन्मरूपी अग्निमें जला । ८ पृथ्वी ।

तरुतणी । तसु भेद किंचित् कहं सो सुन, कखौ जो
 गौतमगणी ॥ २ ॥ पृथिवी द्वय भेद वखाना, मृदु
 माटी कठिन पखाना । मृदु द्वादशसहस वरसकी, पाहन
 वाईस सहसकी ॥ पुनि सहस सात कही उंदक त्रय,
 सहसवर्ष समीरकी । दिन तीन पावक दशसहस तरु,
 प्रमित नाश सुपीरकी ॥ विनघात सूच्छम देहधारी,
 घातजुत गुरुतन लखौ । तहँ खनन तापन जलन व्यंजन,
 छेद भेदन दुख सखौ ॥ ३ ॥ शंखादि दुइंद्री प्राणी,
 थिति द्वादशवर्ष वखानी । यूकादि तिइंद्री हैं जे, वासर
 उनचास जियें ते ॥ जीवें छमास अलैप्रमुख, व्याली-
 ससहस उरगतनी । खगकी वहत्तरसहस नवपूर्वांग सरी-
 संपकी भनी ॥ नर मत्स्य पूरवकोटकी थिति, करमभूमि
 वखानिये । जलचर विकल विन भोगैभूनर, पशु त्रिप-
 ल्य प्रमानिये ॥ ४ ॥ अघवशकर नरकवसेरा, भुगतै
 तहँ कष्ट घनेरा । छेदै तिलतिल तन सारा, छेपै द्रहपू-
 तिमँझारा ॥ मँझार वज्रानिल पचावैं, धरहिं शूली
 ऊपरैं । सीचैं जु खारे वारिसौं दुठ, कहैं त्रँण नीके
 करैं ॥ वैतरणिसरिता समल जल अति, दुखद तरु
 सँवलतनें । अति भीम वन असिक्रांतसम दल, लगत
 दुख दैवैं घनें ॥ ५ ॥ तिस भूमें हिम गरमाई, सुरगि-

१ पानी । २ जूआदि । ३ अमरवादि । ४ सर्पविशेष । ५ भोगभूमिया
 मनुष्य और पशु । ६ दुर्गधिके भरे तालाव । ७ फौड़े । ८ तलवारकी धार ।

रिसम अस गल जाई । तामें थिति सिंधुतनी है, यों
 दुखद नरक अवनी है ॥ अवनी तहाँकीतें निकसि,
 कबहूँ जनम पायौ नरो । सर्वांग सकुचित अति अपा-
 वन, जठर जननीके परो ॥ तहँ अधोमुख जननी
 रसांश,—थकी जियौ नवमास लों । ता पीरमें कोउ
 सीर नाही, सहै आप निकास लों ॥ ६ ॥ जनमत जो
 संकट पायौ, रसनातें जात न गायौ । लहि बालपनें
 दुख भारी, तरुनापो लयौ दुखकारी ॥ दुखकारि इष्ट-
 वियोग अशुभ, संयोग सोग सरोगता । पैरसेव ग्रीपम
 सीत पावस, सहै दुख अति भोगता । काहू कुंतिय
 काहू कुवांधव, कहुँ सुता व्यभिचारिणी । किसहू
 विसन-रत पुत्र दुष्ट,—कलत्र कोऊ परऋणी ॥ ७ ॥
 वृद्धापनके दुख जेते, लखिये सब नयननतें ते । मुख
 लाल वहै तन हालै, विन शक्ति न वसन सँभालै ॥ न
 सँभाल जाके देहकी तौ, कहो वृंपकी का कथा ? तव
 ही अचानक आन जम गह, मनुजजन्म गयौ वृथा ॥
 काहू जनम शुभठान किंचित, लखौ पद चहुँदेवको ।
 अभियोगं किल्विंप नाम पायौ, सयौ दुख परसेवको

१ लोहा । २ पृथिवी । ३ दूसरोंकी सेवा, नोकरी । ४ दुष्टही ।
 ५ व्यसनी । ६ लाला लार । ७ धर्मकी । ८ चार प्रकारके देव । ९-१०
 आभियोग और किल्विंप, देवोंमें एक प्रकारके नीचे सेवकोंके समान देव
 होते हैं ।

॥ ८ ॥ तहँ देख महत सुरऋद्धी, झूख्यौ विषयनकरि
 गृद्धी । कबहूँ परिवार नसानो, शोकाकुल हँ विललानो ॥
 विललाय अति जब मरन निकट्यौ, सख्यौ संकट मान-
 सी । सुरविभव दुखद लगी जबै तव, लखी माल
 मँलान सी ॥ तव ही जु सुर उपदेशहित समु, -झायियो
 समुझ्यौ न त्यों । मिथ्यात्वजुत च्युत कुगति पाई, लहै
 फिर सो स्वपद क्यों ? ॥ ९ ॥ यौ चिरभव अटवी
 गाही, किंचित साता न लहाही । जिनकथित धरम
 नहिं जान्यौ, परमाहिं अपनपो मान्यौ ॥ मान्यौ न
 सम्यक त्रयातम, आतम अनातममें फँस्यौ । मिथ्याच-
 रन दृग्ज्ञान रंज्यौ, जाय नवग्रीवक वस्यौ ॥ पै लह्यौ
 नहिं जिनकथित शिवमग, वृथा भ्रम भूल्यौ जिया ।
 चिदभावके दरसावचिन सब, गये अहले तप किया
 ॥ १० ॥ अब अदभुत पुण्य उपायौ, कुल जात विमल
 तू पायौ । यातँ सुन सीख सयाने, विषयनसौं रति मत
 ठानै ॥ ठानै कहा रति विषयमें ये, विषम विषधरसम
 लखो । यह देह मरत अनंत इनको, त्याग आतमरस
 चखो ॥ या रसरसिकजन वसे शिव अब, वसें पुनि
 वसि हँ सही । दौलत स्वरचि परविरचि सतगुरु, -शीख
 नित उर धर यही ॥ ११ ॥

होली १११.

ज्ञानी ऐसी होली मचाई० ॥ टेक ॥ राग कियौ
 विपरीत विपन घर, कुमति कुसौति सुहाई । धार
 दिगंबर कीन्ह सु संवर, निज-परभेद लखाई । घात
 विषयनिकी बचाई ॥ ज्ञानी ऐसी० ॥ १ ॥ कुमति
 सखा भजि ध्यानभेद सम, तनमें तान उड़ाई । कुंभक
 ताल मृदंगसौं पूरक, रेचक वीन बजाई । लगन अनु-
 भवसौं लगाई ॥ ज्ञानी ऐसी० ॥ २ ॥ कर्मवलीता रूप
 नाम अरि, वेद सुइन्द्रि गनाई । दे तप अग्नि भस्म करि
 तिनको, धूल अघाति उड़ाई । करी शिव तियकी
 मिलाई ॥ ज्ञानी ऐसी० ॥ ३ ॥ ज्ञानको फाग भागवश
 आवै, लाख करौ चतुराई । सो गुरु दीनदयाल कृपा-
 करि, दौलत तोहि बतलाई । नहीं चितसे विसराई ॥
 ज्ञानी ऐसी होली मचाई ॥ ४ ॥

१-१२.

मेरो मन ऐसी खेलत होरी ॥ टेक ॥ मन मिरदंग
 साजकरि ल्यारी, तनको तमूरा बनोरी । सुमति सुरंग
 सरंगी बजाई, ताल दोउ कर जोरी । राग पांचौं पद
 कोरी ॥ मेरो मन ॥ १ ॥ समकृति रूप नीर भर
 झारी, करुना केशर घोरी । ज्ञानमई लेकर पिचकारी,
 दोउ करमाहिं सम्होरी । इन्द्रि पांचौं सखि बोरी ॥

मेरो मन० ॥ २ ॥ चतुर दानको है गुलाल सो, भरि
 भरि मूठि चलोरी । तपमें वांकी (?) भरि निज झोरी,
 यशको अवीर उड़ोरी । रंग जिनधाम मचोरी ॥ मेरो
 मन० ॥ ३ ॥ दौल बाल खेलें अस होरी, भवभव
 दुःख टलोरी । शरना ले इक श्रीजिनको री, जगमें
 लाज हो तोरी । मिलै फगुआ शिवगोरी । मेरो मन० ॥ ४ ॥

११३.

निरखत जिनचंद री माई ॥ टेक ॥ प्रभुदुति देख
 मंद भयौ निशिपति, आन सु पग लिपटाई । प्रभु
 सुचंद वह मंद होत है, जिन लखि सूर छिपाई । सीत
 अदभुत सो बताई ॥ निरखत जिन० ॥ १ ॥ अंबर
 शुभ्र निजंतर दीसै, तत्त्वमित्र सरसाई । फैलि रही जग
 धर्म जुन्हाई, चोरन चार लखाई । गिरा अमृत जो
 गनाई ॥ निरखत जिन० ॥ २ ॥ भये प्रफुलित भव्य
 कुमुदमन, मिथ्यातम सो नसाई । दूर भये भवताप
 सवनिके, बुध अंबुध सो बढ़ाई । मदन चकवेकी जुदाई ॥
 निरखत जिन० ॥ ३ ॥ श्रीजिनचंद वंद अव दौलत,
 चितकर चंद लगाई । कर्मबंध निर्वंध होत हैं, नाग-
 सुदमनि लसाई । होत निर्विष सरपाई ॥ निरखत
 जिन० ॥ ४ ॥

११४.

जिया तुम चालो अपने देश, शिवपुर थारो शुभथा-
न । जिया० ॥ टेक ॥ लख चौरासीमें बहु भटके, लखौ
न सुखरो लेश ॥ जिया० ॥ १ ॥ मिथ्यारूप धरे बहु-
तेरे, भटके बहुत विदेश ॥ जिया० ॥ २ ॥ विषयादिक
बहुते दुख पाये, भुगते बहुत कलेश ॥ जिया० ॥ ३ ॥
भयो तिरजंच नारकी नरसुर, करि करि नाना भेष ॥
जिया० ॥ ४ ॥ दौलतराम तोड़ जगनाता, सुनो
सुगुरुउपदेश ॥ जिया० ॥ ५ ॥

११५.

जय जय जग-भरम-तिमर,-हरन जिन धुनी ॥ टेक ॥
या विन समुझे अजौं न, सौंज निज मुनी । यह लखि
हम निजपर अवि,-वेकता लुनी ॥ जय जय० ॥ १ ॥
जाको गनराज अंग, पूर्वमय चुनी । सोई कही है कुंद-
कुंद, प्रमुख बहुमुनी ॥ जय जय० ॥ २ ॥ जे चर जड़
भये पीय, मोह वारुनी । तत्त्व पाय चेतें जिन, थिर
सुचित सुनी ॥ जय० जय० ॥ ३ ॥ कर्ममल पखारने-
हि, विमल सुरधुनी । तज विलंब अंब करो, दौल उर
पुनी ॥ जय जय० ॥ ४ ॥

११६.

अब मोहि जानि परी, भवोदधि तारनको है जैन ॥

टेक ॥ मोहतिमरतैं सदा कालके, छाये रहे मेरे नैन ।
 ताके नाशन हेत लियो मैं, अंजन जैन सु एन ॥ अव०
 ॥ १ ॥ मिथ्यामती भेषको लेकर, भाषत हैं जो वैन ।
 सो वे वैन असार लखेमें, ज्यों पानीके फैन ॥ अव
 मो० ॥ २ ॥ मिथ्यामती बेल जग फैली, सो दुख
 फलकी दैन । सतगुरु भक्तिकुठार हाथ लै, छेद लियो
 अति चैन ॥ अव० ॥ ४ ॥ जा विन जीव सदैव कालतैं,
 विधि वश सुखन लहै न । अशरनशरन अभय दौलत
 अव, भजो रैन दिन जैन ॥ अव० ॥ ४ ॥

११७.

सुन जिन वैन, श्रवन सुख पायौ ॥ टेक ॥ नख्यौ
 तत्त्व दुर अभिनिवेशतम, स्याद उजास कहायौ । चिर
 विसख्यौ लख्यौ आतम रैन (?) ॥ श्रवन० ॥ १ ॥ दख्यौ
 अनादि असंजम दवतैं, लहि व्रत सुधा सिरायौ । धीरं
 धरी मन जीतन मैन (?), श्रवन सुख० ॥ २ ॥ भरो
 विभाव अभाव सकल अबं, सकलरूप चित लायौ ।
 दास लख्यौ अब अविचल चैन, श्रवन सुख० ॥ ३ ॥

११८.

वामा घर वजत वधाई, चलि देखि री माई ॥ टेक ॥
 सुगुनरास जग-आस-भरन तिन, जने पार्श्व जिनराई ।
 श्री ही धृति कीरति बुधि लछमी, हर्षत अंग न माई ॥
 चलि० ॥ १ ॥ वरन वरन मनि चूर सची सब, पूरत

चौक सुहाई । हाहा हूँ नारद तुंवर. गावत श्रुति सुख-
दाई ॥ चलि० ॥ २ ॥ तांडव नृत्य नदत हरिनट तिन, नख
नख सुरीं नचाई । किन्नर कर घर वीन वजावत, दृग-
मनहर छवि छाई ॥ चलि० ॥ ३ ॥ दौल तासु प्रभुकी
महिमा सुर, गुरुपै कहिय न जाई । जाके जन्म समय
नरकनमें, नारकि साता पाई ॥ चलि० ॥ ४ ॥

११९.

जय श्री ऋषभ जिनेन्द्रा । नाश तौ करौ स्वामी मेरे
दुखदंदा ॥ मातु मरुदेवी प्यारे, पिता नाभिके दुलारे,
वंश तौ इश्वाक जैसे नभवीच चंदा ॥ जय श्री० ॥ १ ॥
कनक वरन तन, मोहत भविक जन, रवि शशि कोटि
लाजै, लाजै मकरन्दा ॥ जय श्री० ॥ २ ॥ दोष तौ
अठारा नासे, गुन छियालीस भासे, अष्टकर्म काट
स्वामी, भये निरफंदा ॥ जय श्री० ॥ ३ ॥ चार ज्ञान-
धारी गनी, पार नाहिं पावै मुनी, दौलत नमत सुख
चाहत अमंदा ॥ जय श्री० ॥ ४ ॥

१२०.

मत कीज्यौ जी यारी, ये भोग भुंजग सम जानके,
मत कीज्यौ० ॥ टेक ॥ भुजग डसत इकवार नसत है,
ये अनंत मृतुकारी । तिसना तृपा बढै इन सेयें, ज्यौं

पीये जल खारी ॥ मत कीज्यौ जी० ॥ १ ॥ रोग
 वियोग शोक वनको घन, समता-लताकुठारी । केहरि
 कॅरी अॅरी न देत ज्यौं, लौं ये दें दुख भारी ॥ मत
 कीज्यौ० ॥ २ ॥ इनमें रचे देव तरु थाये, पाये शुभ्र
 मुराँरी । जे विरचे ते सुरपति अरचे, परचे सुख अधि-
 कारी ॥ मत कीज्यौ० ॥ ३ ॥ पराधीन छिनमाहिं
 छीन है, पापबंधकरतारी ॥ इन्हें गिनै सुख आकमाहिं
 तिन, आमतनी बुधि धारी ॥ मत कीज्यौ० ॥ ४ ॥
 मीन मंतंग पतंग अंगं मृग, इनवश भये दुखारी ॥
 सेवत ज्यौं किंपाक ललित, परिपाक समय दुखकारी ॥
 मत कीज्यौ जी० ॥ ५ ॥ सुरपति नरपति खगपति-
 हूकी, भोग न आस निवारी, दौल त्याग अब भज
 विराग सुख, ज्यौं पावै शिवनारी ॥ मत कीज्यौ
 जी० ॥ ६ ॥

१२१.

सुधि लीज्यौ जी म्हारी, मोहि भवदुखदुखिया
 जानके, सुधि० ॥ टेक ॥ तीनलोकस्वामी नामी तुम,
 त्रिभुवनके दुखहारी । गनधरादि तुव शरन लई लख,
 लीनी सरन तिहारी ॥ सुध ली० ॥ १ ॥ जो विधि

१ मेघ । २ समतारूपी बेलके काटनेके लिये कुल्हाडी । ३ सिंह ।
 ४ हाथी । ५ दुश्मन । ६ नरक । ७ नारायण । ८ वैरागी हुए । ९ हाथी ।
 १० अमर । ११ इन्द्रायणका फल ।

अरी करी हमरी गति, सो तुम जानत सारी । याद
 किये दुख होत हिये ज्यौं, लागत कोट कटारी ॥
 सुध लीज्यौं ॥ २ ॥ लब्धिअपर्यापतनिगोदमें एक
 उसासमँझारी । जनममरन नवदुगुन विथाकी, कथा न
 जात उचारी ॥ सुध लीज्यौं ॥ ३ ॥ भू जल ज्वलन
 पवन प्रतेक तरु, विकलत्रयतनधारी । पंचेंद्री पशु
 नारक नर सुर, विपति भरी भयकारी ॥ सुध लीज्यौं
 ॥ ४ ॥ मोह महारिषु नेक न सुखमय, होन दई सुधि
 थारी । सो दुठ मंद भयौ भागनतैं, पाये तुम जगतारी ॥
 ॥ सुध लीज्यौं ॥ ५ ॥ यदपि विरागि तदपि तुम
 शिवभग, सहज प्रगटकरतारी । ज्यौं रविकिरन सहजम-
 गदर्शक, यह निमित्त अनिवारी । सुध लीं ॥ ६ ॥
 नाग छाग गज बाघ भील दुठ, तारे अधम उधारी ।
 सीस नवाय पुकारत अवके, दौल अधमकी वारी ॥
 सुध लीं ॥ ७ ॥

१२२.

मत राचो धींधारी, भव रंभंभसम जानके । मत
 एचो ॥ टेक ॥ इंद्रजालको ख्याल मोह ठग , विभ्रम-
 मास पसारी । चहुँगति विपतिमयी जामैं जन, भ्रमत

१ अठारहवारकी । २ पृथ्वीकाय । ३ अमिकाय । ४ हे बुद्धिमानो !
 ५ केलेके खमे समान ।

भरत दुख भारी ॥ मत० ॥ १ ॥ रामा मा, मा वामा,
 सुत पितु, सुता श्वसाँ, अचतारी । को अचंभ जहा
 आप आपके, पुत्र दशा विस्तारी ॥ मत राचो० ॥ २ ॥
 घोर नरक दुख ओर न, छोर न लेश न सुख विस्तारी ।
 सुरनर प्रचुर विषयजुर जारे, को सुखिया संसारी ॥
 मत राचो० ॥ ३ ॥ मंडल है आखंडल छिनमें, नृप
 कुंमि, सधन भिखारी । जा सुत विरह मरी है वाधिनि,
 ता सुत देह विदारी ॥ मत राचो० ॥ ४ ॥ शिशु न
 हिताहितज्ञान तरुन उर, मदनर्दहन परजारी । वृद्ध
 भये विकलांगी थाये, कौन दशा सुखकारी ? ॥ मत
 राचो० ॥ ५ ॥ लौं अक्षार लख छार भव्य झट, भये
 मोखमगचारी । यातैं होउ उदास दौल अब, भज
 जिनपति जगतारी ॥ मत० ॥ ६ ॥

१२३.

नित पीज्यौ धीधारी, जिनवानि सुधासर्भ जानके,
 नित पी० ॥ टेक ॥ वीरमुखारविंदतैं प्रगटी, जन्मजरा-
 गंद टारी । गौतमादिगुरु-उरघट व्यापी, परम सुरुचि-
 करतारी ॥ नित० ॥ १ ॥ सलिलसमान कलिलमलगं-

१ स्त्री । २ वहिन । ३ कुत्ता । ४ देव । ५ लट । ६ कामामि । ७ जैनशा-
 खोको । ८ अमृतसमान । ९ महावीरस्वामीके मुखकमलसे । १० रोग ।
 ११ जलके समान । १२ पापरूपी मैलको नष्ट करनेवाली ।

जन बुधमनरंजनहारी । भंजन विभ्रमधूलि प्रभंजन,
मिथ्याजलदनिवारी ॥ नित पी० ॥ २ ॥ कल्याणकतरु
उपवनधरिनी, तरनी भवजलतारी । बंधविदारन पैनी
छैनी, मुक्तिनसैनी सारी ॥ नित पी० ॥ ३ ॥ स्वप-
रस्वरूप प्रकाशनको यह, भानुकला अचिकारी । मुनि-
मन-कुमुदिनि-मोदन-शशिभा, शमसुखसुमनसुवारी ॥
नि० ॥ ४ ॥ जाको सेवत वेवत निजपद, नशत अचि-
द्या सारी । तीनलोकपति पूजत जाको, जान त्रिजग-
हितकारी ॥ नित० ॥ ६ ॥ कोटि जीभसौं महिमा
जाकी, कहि न सके पविधारी । दौल अल्पमति केम
कहै यह, अधमउधारनहारी ॥ नि० ॥ ६ ॥

१२४.

मत कीज्यौ जी यारी, धिर्नगेह देह जड़ जानके,
मत की० ॥ टेक ॥ मात-तात-रज-वीर जसौं यह,
उपजी मलफुलवारी । अस्थिमाल पलनसाजालकी, लाल
लाल जलक्यारी ॥ मत की० ॥ १ ॥ कर्मकुरंगथली-
पुतली यह, मूर्त्तपुरीषभंडारी । चर्ममँड़ी रिपुकर्मघड़ी

१ " मंगलतरुहिं उपावन घरनी " ऐसा भी पाठ है । २ नौका । ३ कर्म-
बंध । ४ तीखी छैणी । ५ मुनियोंकी मनरूपी कुमोदिनीको प्रफुल्लित करनेकेलिये
चद्रमाकी रोशनी । ६ समता-रूपी सुख ही हुआ पुष्प, उसकेलिये अच्छी
वाटिका । ७ जानते वा अनुभवते हैं । ८ तीन भुवनके राजा इन्द्रादिक ।
९ वज्रधारी इन्द्र । १० घृणाका घर । ११ हाड़ मॉस नसोंके समूहकी ।
१२ कर्मरूपी हरिनोंको फँसानेवाली जगहपर पुतलीके समान । १३ विद्या ।

धन, धर्म चुरावनहारी ॥ मत कीज्यौ० ॥ २ ॥ जे जे
 पावन वस्तु जगतमें, ते इन सर्व विगारी । खेदमेदक-
 फलेदमयी बहु, सँदगदव्यालपिटारी ॥ मत की० ॥ ३ ॥
 जा संयोग रोगभव तौलों, जा वियोग शिवकारी । बुध
 तासौं न ममत्व करै यह, मूढ़मतिनको प्यारी ॥ मत
 की० ॥ ४ ॥ जिन पोषी ते भये सदोषी, तिन पाये
 दुख भारी । जिन तप ठान ध्यानकर शोषी, तिन परनी
 शिवनारी ॥ मत की० ॥ ५ ॥ सुरधनुँ शरदजलद
 जलबुदबुद, ल्यौं झट विनशनहारी । यातैं भिन्न जान
 निज चेतन, दौल होहु शंमधारी ॥ मत की० ॥ ६ ॥

१२५.

जाऊं कहां तज शरन तिहारे ॥ टेक ॥ चूक अना-
 दितनी या हमरी, माफ करो करुणा गुन धारे ॥ १ ॥
 डूबत हों भवसागरमें अब, तुम विन को सुह वार
 निकारे ॥ २ ॥ तुम सम देव अवर नहिं कोई, तातैं
 हम यह हाथ पसारे ॥ ३ ॥ मोसम अधम अनेक
 उधारे, वरनत हैं श्रुत शास्त्र अपारे ॥ ४ ॥ “दौलत”
 को भवपार करो अब, आयो है शरनागत थारे ॥ ५ ॥



१ पसीना । २ चरबी । ३ दुख । ४ मद्रोगरूपी सापके लिये पिटारी ।
 ५ क्षीण की । ६ इन्द्रधनुष । ७ शरदऋतुके बादल ।
 ८ शंभुके धारी ।

भजनोंकी पुस्तकें ।

जैन पदसंग्रह प्रथमभाग-दौलतरामजीके	१२५ पद	।=)
जैन पदसंग्रह द्वितीयभाग-भागचन्दजीके	९० पद	।)
जैन पदसंग्रह तृतीयभाग-भूधरदासजीके	८० पद	।=)
जैन पदसंग्रह चतुर्थभाग-द्यानतरायजीके	३२३ पद	॥=)
जैन पदसंग्रह पंचमभाग-बुधजनजीके	२४३ पद	।=)
माणिक विलास माणिकचन्दजीके	१२५ पद	।)
जैन भजनसंग्रह नयनसुखदासजीके	१६४ पद	।=)
वृन्दावन विलास वृन्दावनजीकृत पद	विनतियों	आदि
बहुतसी बातोंका संग्रह
		।।।)

नोट—हमारे यहां सब जगहके छपे हुए सब प्रकारके जैनग्रन्थ हर समय मिलते हैं । एक कार्ड लिखकर बड़ा सूचीपत्र मंगाकर देखिए ।

पता—

श्रीजैनग्रन्थरत्नाकर कार्यालय.

हीरावाग, पो० गिरगांव—बंबई ।

